

SSH
Current
Shelves
DU
740
A2
W3
v. 1679

Wantok (Boroko, Papua New
Guinea)
SSH Current Shelves
UC San Diego
Received on: 11-02-06

WAN . UN

Namba 1679 NIUSPEPA BILONG YUMI OL PNG STRET!

Wan Wik, Septemba 28 - Oktoba 5, 2006
K1.00 long Mosbi tasol - Ausait Mosbi K1.30



Givim tingting
bilong yu na...
**WINIM
PRAIS!**

Wantok Niuspepa i laik kisim
tingting bilong yu. Lukim
Wantok Ridasip Seve insait
we yu ken givim bekim
bilong yu na gat sans long
winim ol bikpela prais!
Pes 14 - 15



Lukim ol
wiken
poto
long pes
14 - 15

**NUPELA PAWA
PROJEK BAI
HELPIM KANTRI
- SOMARE - PES 3**

TINGTING BILONG AUSTRALIA I NO STRET

**Bipo Difens Komanda autim
tingting long Australia i apim
namba bilong ol ami insait
long Pasifik...**

Andrew Molen i raitim

**TINGTING bilong Australia
long was long ol arapela lik-
lik kantri insait long Pasifik
em i no stret.**

Dispela em toktok bilong
bipo komanda bilong Papua
Niugini Difens Fos (PNGDF),
Meja Jenerel Jerry Singirok
long Pot Mosbi dispela wik.

"Sapos Australia i laik
helpim long daunim ol hevi
insait long Pasifik em i mas
wokbung wantaim ol arapela
Pasifik kantri. Em yet i noken
mekim samting long laik bilong
em," Mista Singirok i tok.

Em i tok planti taim Australia
i save mekim ol samting
bihainim gutpela sindaun
bilong em yet.

Ol toktok bilong Mista
Singirok i kamap bihainim ol
ripot olsem Australia i wok long
apim namba bilong ami bilong
en long salim i go long ol arapela
kantri long Pasifik olsem

PNG we ol i ting i gat bikpela
hevi i stap.


Ol dispela ripot i tok
Australia i putim ami bilong ol
long Not Kwinslen we ol i gat
2, 600 soldia na wantaim Nevi
na ea fos namba bilongol i
solap i go olsem 52, 000.

Praim Minista bilong
Australia, John Howard i tok
as bilong dispela em planti
Pasifik kantri olsem Solomon
Ailans na PNG i bagarap na i
gat planti hevi stap na ol i laik
was long ol.

Praim Minista bilong PNG,
Gren Sif Sir Michael Somare i
tok long dispela taim olsem ol
dispela toktok bilong Mista
Howard i nogat wanpela gut-
pela as long en.

Sir Michael i tok ekonomi
bilong kantri wok long kamap
orait na i nogat wanpela hevi
stap long PNG o long Pasifik.

Lukim moa stori long pes 3



KOLIM BEL: Dispela piksa i kam long wanpela vidio i kam long Vatiken televisen we i soim Pop Benedict 16 i sekan wantaim wanpela Muslim mausman long Castel Gandolfo em opisel haus bilong Pop i stap ausait long Rom long Mande dispela wik. Pop Benedict i tokim ol Muslim lida na mausman na ol memba bilong Arab lig olsem bihain taim bilong olgeta lotu i sanap long gutpela pasin poroman namel long ol Kristen na Muslim. Em i bin bung wantaim ol long kolim bel bihain long i bin i gat bikpela kros namel long ol Muslim long sampela toktok Pop Benedict i bin mekim sampela wik i go pinis. (AP Foto) Lukim stori long ABC Wol na Pasifik Nius - PES 13

**World Class Products from PNG's
No.1 Automotive & Marine Dealer**

Ela Motors
TOYOTA



15 BRANCHES NATIONWIDE

www.elamotors.com.pg

Your First Choice

Gavman lukautim ABG foren afeas

Noreen Dada i raitim

BOGENVIL i stap yet olsem bikpela samting insait long Papua Niugini na olgeta ron bilong foren rilesen bilong PNG i stap yet olsem wok bilong Nesenel Gavman.

Dispela tok i kam long Minista bilong Bogenvil Afeas na Minista husat i helpim Praim Minista Sir Peter Barter taim em i stretim toktok long wok bilong em olsem minista husat i lukautim Bogenvil Afeas long wik i go pinis.

Dispela i kam bihain long ol askim i kam long ol developmen patna bilong PNG na ol arapela patna insait long intanesenel komyuniti long wanem wei ol i mas karim aut wok bilong ol taim ol i mekim plening na karim aut wok insait long Otonomes Rijen bilong Bogenvil (ABG).

"Foren rilesen i wanpela wok we i no stap long wok na pawa we i ron insait ABG.

Taim yumi toktok long nupela wan bel tok

namel long klostu kantri Solomon Ailans, Bogenvil Bel isi wan bel tok na ol lo we i stap i askim ABG long makim ol toktok.

Long dispela, ABG i mas gat komitmen long bihainim Bogenvil Bel isi wan bel tok long rispektim atoriti bilong Nesenel Gavman long sait bilong ol intanesenel wan bel tok," Sir Peter i tok.

Long toktok long ol Dipatmen ov Foren Afeas na Tred maus man, dipolmetik misin na ol opisa bilong intanesenel ogenaisesen, Sir Peter i go het long tok olsem wok we i kirap namel long ABG na ol foren dipatmen na intanesenel ogenaisesen bai trupela nesenel gavman dipatmen na ejensi lukautim.

Sir Peter i kirapim dispela bung long wik i go pinis bikos em i tok em laik stretim ol askim bilong nesenel na intanesenel komyuniti long pawa bilong nesenel gavman long ABG.

Nogat namel man long toktok long ol Fiji lain



BUNGIM OL FIJI: (L-R) Patrick Heromate (ABG LLG-opisa), Maloni Namoli (Fiji), Jolame Gukirewa (Fiji), Manasa Dumloto (Fiji), Etmnistreta Peter Tsiamalili, Kalivati M. Dau (Fiji), Joe Noro (Dairekta Audit ABG) na Aliko Moroch (Fiji) i sanap kisim poto bihain long ol i bung long Tonu.

ol memba bilong Otonomes Gavman long stretim.

Em i tok nau ol i sainim wanpela wan bel tok long larim ol sevis i ron insait dispela ol hap bilong Bogenvil, em i redi long wok wantaim Mista Musingku long lukim ol wok olsem mentenens bilong ol rot namel long Buin, Siwai na Panguna i kamap.

Mista Tsiamalili i rausim dispela nem ol i kolim No Go Zon log dispela eria na em i laikim ol pipel long stat kolim ol trupela pleš insait dispela eria bikos em i tok 'i nogat ples we i gat nem No Go Zon.'

Em i tok dispela ol kain tingting long taim bilong hevi insait long ailan mas pinis na lus long tingting bilong ol pipel bilong Bogenvil.

Long wan kain taim ol faivpela Fiji i tok sori olsem ol i abrusim taim ol i mas stap long kantri na bai lusim ailan long go bek long Fiji taim Kontrek bilong ol i pinis long pinis bilong dispela yia.

Ol i tokim Wantok Niuspepa olsem ol i tu i bin mekim invesmen insait dispela U Vistrak na ol i makim 3500 Fiji pipel husat i mekim wan kain invesmen.

Otonomes Bogenvil Gavman pastaim i wok long toktok wantaim Embesi bilong Fiji insait Pot Mosbi na tu wantaim gavman bilong Australia long salim wanpela tim i go long askim ol Fiji lain long lusim ailan.

Aloysius Laukai i raitim

BOGENVIL Provisnel Etmnistreta Peter Tsiamalili i tok Bogenvil i nogat askim long salim wanpela tim i go long toktok long ol faivpela lain Fiji husat i kam long askim bilong U Vistrak mani skim man, Noah Musingku.

Bihain long mekim ron bilong em i go long Tonu long wik i go pinis, Mista Tsiamalili i tok em nau kisim narapela sait bilong stori we Mista Musingku i tok aut long en na ol wok man bilong em long Fiji i bilip i nogat askim i stap long karim wanpela tim i kam.

Mista Tsiamalili i tok ol stori em wok long kisim long ol lain ausait i no stret na long mekim ron bilong em i go long Tonu na toktok wantaim Mista Musingku long wok wantaim long bringim bel isi i gutpela nius long harim.

Em i tok dispela em i bikpela banis ol i abrusim long olgeta pipel bilong Saut Bogenvil husat i laik lukim bel isi long ron insait long distrik.

Mista Tsiamalili i tok ron bilong em i go long Tonu i nogat bikos long politiks na em i ron we i kamap long sait bilong Edministresen long lukim ol sevis i ron go insait Siwai.

Em i tok ol samting long sait bilong politiks i stap long han bilong



ENROL NAU

Ilektorel Komisin nau i wok long karimaut nupela Enrolmen Rejistresen bilong 2007 Nesenel Ileksen bilong olgeta provins. Ilektorel Rol bilong 2002 mipela i lusim pinis. Em i min olsem mipela bai no inap yusim neks yia.

Yu bai Vot insait long 2007 Nesenel Ileksen sapos nem bilong yu i STAP insait long Ilektorel Rol

Sapos yu gat 18 krismas o moa long 18 krismas na nem bilong yu i **NO STAP** long Ilektorel Roll, yu **MAS** go lukim Provisnel Ileksen Menesa o Distrik Opis klostu long yu long stretim wanpela Enrolmen Fom pepa **NAU**.

Tingim!!! Dispela ekasesais i **NO** bilong **APDETIM** o stretim 2002 Ilektorel rol. Em i wanpela nupela enrolmen program bilong wanpela **NUPELA ILEKTOREL ROL BILONG 2007**.

Sapos Ilektorel Rol i stret, em bai givim strongpela bilip na tingting long olgeta manmeri olsem ol Ileksen insait long PNG i Fri na i Stret.

TINGIM!!! ENROLMEN EM OLGETA MANMERI I MAS MEKIM na VOT BILONG YU EM I BIKPELA SAMTING

Tok Orait i kam long Ilektorel Komisina ANDREW S. TRAWEN, MBE

Nupela wan bel tok namel long NIP na yunivesiti

Noreen Dada i raitim

SKIL na save bilong ol viles pipel insait long Nu Ailan i lukluk long kamap mo beta wantaim wan bel tok we i kirap namel long provinsel gavman na Yunivesiti bilong Vudal.

Dispela wan bel tok i kirap bihain long Nu Ailan Provisnel Agrikalsa bung we i bin kamap long Fonde wik i go pinis insait Namatanai.

Aninit long dispela wan bel tok, Nu Ailan Provisnel Gavman i givim K300, 000 i go long Intigretet Agrikalsa Trening Program (IATP) bilong Yunivesiti bilong Vudal we as bilong kirapim kain patnasip i long

helpim bikpela namba bilong ol fama long Nu Ailan kamapim agrikalsa sekta.

Dispela trening program i karamapim ol bikpela eria olsem vanilla prodaksen, kakao prodaksen na menesemen, risets insait liklik fam bisnis, bisnis menesmen na faming na prodaksen bilong ol kakaruk.

Gavana bilong Nu Ailan Provis, Ian Ling Stuckey i autim amamas bilong en long wok bung wantaim yunivesiti we em i tok ol kaikai bilong IATP bai kamapim gutpela na strongpela agrikalsa sekta insait long provins we bai helpim gut ol pipel.

Agro-Forestri projek bilong Baina



GUTPELA SAMTING: Gavana Moroi na Mista Mona long las wik i go raun na lukim rot we Nasyl 98 i helpim long mekim i go long Waitape anit long Agro-Forestri projek bilong ol.

Andrew Molen i raitim

WANPELA bikpela projek nau i kamap long Baina eria bilong Sentral provins we bai helpim ol pipel long kisim bek wanem samting ol i lusim.

Baina Agro-forestri em projek we tupela wok bai kamap long wanpela graun tasol.

Long dispela wok, wanpela loging kampani wok long katim diwai tasol bihain long dispela bai em i planim bek wel pam long kisim ples.

Long wankain taim tu ol i helpim long mekim rot i go long Waitape long Gailala distrik.

Nau yet provinsel gavman i gat 8-pela masin i save wok olgeta taim long mekim rot long Baina i go long Kodige we em i bruk i go planti han bipo em i kamap long Waitape.

"Provinsel gavman i laikim bai ol pipol i kisim gutpela samting long dispela projek," Sentrol provins gavena, Alphonse Moroi tok.

Mista Moroi tok ol bai Katim olgeta diwai long Baina blok wan na blok tu na bihain long dispela bai ol i planim oil pam.

"Mipela i laik bai ol i mas putim sampela samting i go bek long graun bilong ol pipel bihain taim," Mista Moroi tok. Dispela projek i karamapim 42,000 hekta bilong dispela hap graun.

Em i tok wanpela kampani bilong Malaysia, Nasyl 98 i wok long dispela projek na ol bai givim helpim tu long lukautim wel pam bihain.

Wanpela papa graun bilong Baina, Daniel Mona i tok ol i laik kisim developmen i go long graun bilong ol na i go askim provinsel gavman long painim man long mekim dispela wok.

"Mipela i askim provinsel gavman long toktok bilong mipela long sampela bikpela kampani long kam wok long graun na nau dispela projek i kamap," Mista Mona i tok.

"Mi amamas long dispela projek bilong wanem em bai helpim ol pipel bilong mipela na ol pikinini bihain taim tu," em i tok.

Mista Moroi tokim ol pipel las wik long Baina olsem taim ol i givim graun bilong ol long wok, developmen bai kam.

"Sampela hevi bai kamap tu tasol yupela bai kisim planti gutpela samting," Mista Moroi tok.

Menesing Dairekta bilong Nasal 98, Jack Goh i tok developmen bai kam taim ol pipel i wokbung wantaim gavman na ol lain husat bai mekim wok.

"Mipela i amamae long kisim sevis i kam," Mista Goh i tok.

Klinim na lukautim nambis na ples

Andrew Molen i raitim

NOKEN wetim narapela long tokim yu long stretim na lukautim ples bilong yu, yu yet i mas kirap na mekim wok.

Wantaim dispela hap tok bilong gavana jenerel bilong Papua Niugini, Gren Sief Sir Paulias Matane, moa long 200 manmeri wokbung long klinim nambis long Pot Mosbi las wik Fraide.

Sir Paulias i tok; "Yumi noken wet long ol narapela i tokim

yumi long klinim na lukautim ol taun na siti bilong yumi.

"Yumi yet i mas kirap na mekim na yumi mas mekim dispela olgeta de."

Em i tok wanwan manmeri mas lukautim ples ol i stap long en olsem haus bilong ol bai dispela i kirapim tingting bilong ol long lukautim taun na siti bilong ol tu.

"Sapos yu no lukautim haus bilong yu, bai yu nogat gutpela tingting long lukautim ples bilong yu," Sir Paulias i tok.

Sir Paulias i mekim dispela toktok long Ela Beach, Pot Mosbi taim ol i makim "Clean up the world" de las wik.

Ol wokman bilong Nesanel Distrik komisin (NCDC), Australian hai komisin na ol manmeri bilong siti putim wok wantaim long rausim ol pipia long nambis long makim dispela de.

"Wanpela tingting bilong gavman bilong Australia em long lukautim ples long Australia na long ovasis tu.

"Long dispela as mipela i givim sapot long dispela program i mas i go het," hai komisina bilong Australia long PNG, Michael Potts i tok.

Em i tok ol i sapotim dispela na ol arapela wankain program we bai helpim long rausim rabis na mekim ol ples i kamap gutpela.

Olgeta yia long mun Septemba, olgeta hap long wol ol manmeri save bung wantaim na wok long rausim ol pipia long nambis na ples bilong ol.

KIPIIM 'OI FRES...

...wantaim ol dispela kwaliti Friza or Ais bokis!

EM NIUELA... BIKPELA KES JACPOT!

Olgeta tiket bai igo insait long dro

- Em minim yu ken Winim long Septemba na gat sans long winim ken long mun Mas 2007.

HIT THE JACPOT!

Long mum...

SEPTEMBER

K8,000

Stap insait long winim!

Yu inap kamap Septemba winman long dispela Courts Jacpot Septemba K8,000 Jacpot Draw!

Bipo Kes Prais K2,499

K1,599 **SEIV K900**

Diposit K1 **K61** Fortnightly

Fisher & Paykel H220SL #315227

220 Lita Frisa/Ais Bokis

hap bilong rausim ais igo aut basket bilong putim ol kaikai gut lok bilong lokim frisa isi long klinim

Bipo Kes Prais K2,599

K1,999 **SEIV K600**

Diposit K1 **K76** Fortnightly

Fisher & Paykel H360SL #315228

360 Lita Frisa/Ais Bokis

- hap bilong rausim ais igo aut basket bilong putim ol kaikai gut
- Lok bilong lokim frisa isi long klinim

Bipo Kes Prais K3,299

K2,329 **SEIV K970**

Diposit K1 **K88** Fortnightly

Fisher & Paykel H510SL #315228

510 Lita Frisa/Ais Bokis

- hap bilong rausim ais igo aut basket bilong putim ol kaikai gut
- Lok bilong lokim frisa isi long klinim

Bipo Kes Prais K3,999

K2,999 **SEIV K1,000**

Diposit K1 **K113** Fortnightly

Fisher & Paykel FPH701SL #315230

701 Lita Frisa/Ais Bokis

- hap bilong rausim ais igo aut basket bilong putim ol kaikai gut
- Lok bilong lokim frisa isi long klinim

SWITCH ON TO **POWERHOUSE**

STIMULATE YOUR SENSES

COURTS

Edim valu Olgeta dei!

TRADING HOURS PORT MORESBY: ☎ 325 5900 /Spring Garden Rd, Gordons / Open 7 Days: MON-WED & FRI - OPEN 8:00AM - 5:00PM / THUR - 8:30AM - 5:00PM / SAT, 8:00AM - 1:00PM / SUN, 9:00AM - 1:00PM & CONTACT DETAILS LAE: ☎ 472 4800 /Millfordhaven Road, Lae, Morobe / Open 6 Days: MON-FRI - OPEN 8:00AM - 5:00PM / SAT - 8:00AM - 1:00PM / SUNDAYS CLOSED

IMPORTANT: Courts Ready Pleasure is now available for you to apply! Call into our stores for more information on the terms & conditions. Courts K1,000 DISCOUNT is subject to Terms & Conditions. See us here for details on this limited Demand on this product! advertised here is subject to change at any time without notice. We reserve the right to correct errors and omissions. Product(s) shown was available at the time of press printing. Some items may not be available at other Courts stores. Free gifts are subject to availability. Promotion Ends Soon.

OL PIPEL I GAT MOA LONG 70 PESEN SEA INSAIT LONG DISPELA PROJEK:

Baina	30 pesen
Provinsel gavman	30 pesen
Kairaku LLG	5 pesen
Waitape LLG	5 pesen
Gabardi	2.2 pesen
Manu manu	1.1 pesen

Abal tok lukaut long sik HIV/AIDS long Wabag



GIVIM STIA: Wabag memba Sam Abal i givim stia long ol yangpela long abrusim dispela sik HIV/AIDS

Peter Sowaip-Pia
i raitim

Soka Presiden Ananias Popo, Provinsel Etministreta Dokta Samson Armean, Distrik etministreta Peter Yange, Uncle ET bilong Yumi FM Redio stesin na tu ol arapela provinsel lida i bin kamap.

Mista Abal i tok em i wari stret long ol pikinini husat ol skul mangi i wok long kisim dispela sik HIV/AIDS na indai.

"Mi laikim yupela i stap gut na lukaut long HIV/AIDS bikos planti wankain krismas olsem yupela i wok long kisim dispela sik na dai long kantri. Mi askim yupela long was gut long wanem samting yu mekim," Mista Abal i tok.

Em i singaut long ol papamama long lainim

ol pikinini gut long haus long wanem samting ol bai mekim na kisim save gut.

Mista Abal i tok ol papamama i mas putim han i go long mekim wok agrikalsa long halivim ol skul pikinini.

Em i tok planti man na meri nau i wok long sindaun long ples kandis na maket na pilai kas tumas na pikinini i wok long bagarap na lainim ol pipia samting long laik bilong ol.

Mista Abal i tok husat lain long ples bilong traibol pait long Wabag distrik olsem Sirunki, Aipanda, Yakanda, Rakamanda na Akom mas lusim na go long gaden na mekim wok fama.

Gavman bai helpim long surukim Aiyura rot - Polye

James Kila i raitim

DEPUTI Praim Minista na Minista bilong Trensport na Sivil Aviesin, Don Polye i tokaut pinis olsem gavman bai helpim long surukim gen narapela 4-kilomita rot na putim kolta long Aiyura insait long Obura-Wonenara insait long Isten Hailans provins.

Mista Polye i bin tokaut long dispela taim em i bin raun i go long Aiyura sampela taim i go pinis long bungim ol komyuniti lida insait long Obura-Wonenara district.

Mista Polye i bin raun i go pastaim long Nesenel Eksekutiv Kaunsil i bin bung long Goroka long stat bilong dispela mun Septemba.

Mista Polye i bin mekim dispela toktok bihain long wanpela mausman bilong ol bikpela institut long Aiyura na Ekting Jeneral Menesa bilong Kopi Indastri Koporesen Risets na Groa Sevises Divisen, Potaisa Hombunaka i bin mekim singaut i go long gavman long watpo em i no stretim rot na putim kolta



HELPIB BAI KAM: Deputi Praim Minista Polye na Tresera Sir Rabbie Namaliu taim ol i raun i go olsem long Isten Hailans provins.

i go long ol narapela institusen na putim kolta tasol i go long Aiyura Nesenel Hai Skul.

Dispela wok bilong stretim na putim kolta em gavman bilong Australia i bin putim mani long en long kamapim wok na wanpela kampani nem bilong em Loma Konstraksin i bin kari-maut wok.

Dispela wok i lukim kampani i stretim rot na putim kolta stat long Kainantu taun i go olgeta long Aiyura Nesenel Haiskul. Tasol em i no

surukim wok long karamapim ol narapela institusen insait long veli. Olsem na ol institusen olsem CIC Risets na Nesenel Agrikalsa Risets Institut (NARI) na Piseris i no gat kolta long hap rot bilong ol.

Mista Polye i tokaut olsem em i luksave long ol bikpela wok ol lain olsem CIC, NARI na Piseris na tu ol gavman dipatmen long Obura-Wonenara distrik opis i save mekim na em bai toktok wantaim Woks Minista na ol bai putim sampela mani long

surukim wok long narapela 4-kilomita long karamapim ol dispela institusen.

Minista i tok gavman i gat mani i stap na em bai yusim long helpim long stretim rot na putim kolta i go long ol dispela narapela bikpela institusen bilong gavman insait long Aiyura veli.

Mista Polye i bin raun i go long Aiyura wantaim Tresera Sir Rabbie Namaliu na Minista bilong Komyuniti Dvelopmen Dame Carol Kidu taim em i givim dispela toktok.

Gorr Naru komyuniti amamas long komyuniti polis

Paulus Tall i raitim

OL PIPEL bilong Gorr Naru insait long Kundiawa Gembog eria nau i amamas long wok-bung bilong komyuniti polis we ol i wok klostu wantaim komyuniti.

Ples Gorr Naru i gat moa long 14,000 man, meri na pikinini insait long komyuniti bilong ol, tasol bikpela hevi bilong

ol em ples bilong ol em i ples bilong ol bikpela traibol pait. Klostu inap olsem 32 krismas i nogat gutpela sevis namel long ol manmeri long ples na i nogat gutpela skul samting tu.

Ol pikinini bilong ples i laik skul tasol ol i save pret long iaip bilong ol.

Long 1987 yet Katolik sios i bin go insait long ples bilong ol na bungim

ol Kristen manmeri.

Bihain long 1992 wok bilong lotu i kamap strong insait long komyuniti. Long dispela taim nau i nogat gutpela sindaun namel long ol pipel na ol i bin askim long i mas i gat komyuniti polis i wok i stap bai em i ken daunim ol hevi bilong to na oda.

Katekis bilong Katolik sios insait long Yombar

peris, Paul Witne, husat i makim maus bilong Katolik sios i tok amamas long wok bilong komyuniti polis bai em iken go insait na wok klostu wantaim sios.

Ol pipel bilong Gorr Naru yet i amamas olsem Simbu polis komanda Inspekta Jimmy Onopia bai wok klostu wantaim ol pipel long ples.

TOYOTA HIACE

- ✓ Bigger 3.0 litre Diesel
- ✓ Standard LWB 15 seater
- ✓ Hi-Roof LWB 16 seater
- ✓ Airconditioning - Optional
- ✓ Power Steering
- ✓ Stability & Comfort

NOW AVAILABLE FOR IMMEDIATE DELIVERY

Your First Choice

PNG's Most Popular Bus

Port Moresby.. Ph 3229400	Goroka..... Ph 7321844	Wewak.... Ph 8562255
Lae Ph 4781800	Mt. Hagen.. Ph 5421888	Vanimo... Ph 8571254
Kokopo..... Ph 9829100	Kimbe..... Ph 9835155	Tabubil... Ph 5489060
Madang..... Ph 8522188	Lihir..... Ph 9864099	Porgera.. Ph 5479367
Kavieng..... Ph 9842788	Buka..... Ph 9739915	Alotau.... Ph 6410100

www.elamotors.com.pg

Quality Endorsed Company



Yut bilong 14 provins kamap long bung

Noreen Dada i raitim

NAMBA wan Nesenel Yut Bung i kirap dispela wik we i lukim ol yut bilong klostu olgeta hap bilong kantri i kam long stap insait ol tok-tok long helpim developmen bilong yut.

Lonsim bilong dispela bung we i kamap long Mande dispela wik i lukim ol yut i kam long 13 provins we planti i tok olsem em : gutpela tingting we i mas kamap long ol yia i kam bihain.

Man husat i go pas long ronim namba wan Nesenel Yut Bung; Emmanuel Pok i tokim Wantok Niuspepa olsem dispela bung i long helpim ol yut long tokaut long wanem samting ol i lukim i banisim kantri na tu ol yut long kamap.

"Long dispela wik mipela bai bringim ol lain i kam long ol kain kain sekta long komyniti long toktok long ol bikpela samting we i wok long kamap insait eria bilong wok bilong ol.

Tu mipela i givim sans long ol yut

long tok aut long sampela askim o tingting ol i gat long wan wan pipel ol i laik askim na long dispela, ol i wok long lainim ol samting we i ken kirapim tingting bilong ol long painim sampela rot long helpim kantri bilong ol.

Mi amamas long lukim planti yut i kam long dispela bung na mi laik tok tenkyu long ol sponsa olsem Wol Beng, Nesenel Yut Komisen na Yunaitet Nesens grup ov ogenaisesen husat i bikpela sponsa bilong dispela bung," Mista Pok i tok.

Petron long Nesenel Yut Komisen, Dame Carol Kidu i tokim ol yut long opening serimoni long Mande olsem wol i senis tasol ol i mas lainim long holim pasim kalsa na yusim long helpim ol insait long nau taim.

"PNG pipel i ol spesel lain husat kalsa bilong ol i arakain long ol arapela kantri.

Tasol olsem ol yangpela pipel long dispela kantri, yu mas save long wanem wei yu ken bungim wantaim

kalsa na pasiri na tingting bilong nau taim long developim PNG.

Long kamapim Yut Komisen, yupela ol yut i ol lain husat bai go pas long strongim rait bilong ol yangpela insait long kantri.

Bikpela hevi insait long kantri em bagarap bilong het taim ol yangpela i save kisim tumas spak brus na bia.

Kisim skul yu kisim long dispela ol kain bung long go strongim ol arapela yut olsem i gat moa samting long laip long dring bai o pulim spak brus," Dame Carol i tok.

Nesenel Kepital Distrik, Sentral, Manus, Nu Ailan, Enga, Isten Hailans, Simbu, Sauten Hailans, Is Nu Briten, Wes Nu Briten, Bogenvil, Is Sepik, Madang na Westen Provins i salim ol makim ol yut long kam long dispela bung.

Bikpela toktok bilong namba wan Nesenel Yut Bung em PNG Yut- Nek na Eksen long winim Midium Developmen Gol- Strongim ol Yut bihain yia 2006 na bai pinis tumora.



Foto: Noreen Dada

PARI STAIL: Dame Carol Kidu i soim Yunaitet Nesens maus meri Jacqueline Badcock wei long paitim kundu taim em i lonsim namba wan Nesenel Yut Bung insait Pot Mosbi dispela wik.

Konprens lukluk long ailan bilong Niugini

Augustine Nema i raitim

NAMBA eit Niugini Baiolojikol konprens i bin kamap long Tunde dispela wik insait long Yunivesiti oy Papua Niugini (UPNG).

Dispela baiolojikol konprens i save bungim ol saiens man long toktok na lukluk long ol samting we i stap laip long graun na tu insait long solwara.

Konprens long dispela yia i lukluk long kirapim luksave na tingting namel long wanem wei kalsa bilong ailan bilong Niugini (PNG na Wes Papua) i gat wantaim ol samting we i stap long graun na solwara bilong ol.

Dispela konprens i save bungim ol saiens leksara long UPNG na ol arapela Yunivesiti insait Papua Provins bilong Indonesia.

Environmen leksara bilong UPNG na meri husat i go pas long ronim kon-

prens, Dokta Jane Mogina i tok konprens i long helpim ol yangpela saiens risets lain long save long wanem wei ol i ken yusim save long sait bilong kastam na kalsa long mekim risets long developim save long sait bilong saiens.

"Planti bilong ol lokol save long ol plaua na enimol i wok long dai na konprens i lukluk long kirapim bris namel long dispela tupela eria we yumi yusim olgeta eria insait long Niugini long kirapim wok long strongim save bilong kalsa," Dokta Mogina i tok.

"Bringim wantaim Kaisere! na Baiolojikol Daivesiti: Fremwok long risets, trening na eksen em bikpela toktok bilong konprens we bai lukim moa long faipela ten (50) spika bai toktok long risets pepa bilong ol.

Raikos sumatin kisim skul long HIV

Noreen Dada i raitim

MOA long 12,000 praimer skul sumatin long Raikos Distrik bilong Madang i stap insait ol spot na long wan kain taim kisim skul long HIV aweanes long wanpela wik bung insait Saidor Praimeri Skul.

Ol papa mama bilong 400 sumatin long ol arapela skul na ol tisa i soim komitmen bilong ol long wokabout long ol arapela viles i kam long Saidor long sapatim ol pikinini bilong ol long wan wan gem ol i pilai long en.

Kain olsem 11 pela praimer skul i stap insait dispela bung we i kamap long wik i go pinis we long san ol i pilaim ol spot na long nait ol i stap insait ol

HIV pilai piksa na raitim ol singsing long ol i singsing long papa mama bilong ol.

Bikpela samting long dispela bung i long skulim ol sumatin long wanem samting em HIV na AIDS, wanem rot ol lain i ken kisim binatang bilong HIV na wanem rot ol i ken banisim ol yet long kisim infeksi.

Wanpela husat i go pas long ronim dispela wanpela wik iven na Het tisa bilong Rem Praimeri Skul, Rose Buri i tok ol piksa pilai i bringim ai wara long plan-ti bilong ol papa mama.

"Ol i luksave olsem taim papa o mama i karim sik i kam insait long famili, dispela i save bagarapim laip bilong ol pikinini.

Dispela i bringim ai wara long planti papa mama," Mis Buri i tok. Ol papa mama, skul, Raikos Distrik Edministresen na Tokaut AIDS program bilong Volantia Sevis Ogenaisesen (VSO) i go pas long fanim dispela bung bilong ol sumatin we i kam aninit long grasrut inisativ bilong ol tisa husat i kisim skul long HIV/AIDS aweanes long Tokaut AIDS.

Aninit long dispela insitativ o tingting, ol tisa insait long distrik i save go pas long kirapim aweanes long HIV/AIDS na long pait agensim pasin long daunim luksave long ol pipel husat i stap wantaim dispela sik.

LET'S DO IT

MEDIA EXPO!

Holiday Inn Sat 30th Sept, 2006

Come and see what can be done in PNG...

MEDIA COUNCIL OF PAPUA NEW GUINEA

Printing, Jingles, TV Production & Radio



**STETUTORI INSTRAMEN
FIREARMS ACT, 1978**

Sec. 79

**SKRUIM BILONG MALOLO LONG MEKIMSAVE BILONG
HOLIM OL PAITGAN NA KATRES**

Mi yet, Hon. Alphonse Willie, MP, Minista bilong Intenal Sekyuriti, bihainim ol pawa stap insait long seksen 79 bilong Firearms Act, 1978, na olgeta arapela pawa mi holim, nau i tokaut:-

- (a) olsem i gat skruim bilong Amnesti o malolo long mekimsave bilong ol paitgan na katres insait long Sauten Hailans Provins, we i karamapim olgeta hap aninit long Imejensi (Sauten Hailans Provins) (Jeneral Provisins) Act, 2006; na
- (b) olsem dispela skruim bilong Amnesti bai sanap i go inap long tripela ten (30) de moa.

Insait long taim bilong operesen bilong dispela Amnesti o malolo long mekimsave;

- (a) olgeta gan na katres we ol i no bihainim lo long mekim, i no gat laisens o ol i stilim na kisim i mas
 - (i) go bek long ol memba bilong Polis Fos; o
 - (ii) tokaut long en long wanpela Komisin Opisa bilong Polis Fos

insait long eria bilong diklet stet ov imejensi insait long Sauten Hailans Provins.

- (b) olgeta manmeri husat i givim o i tokaut olsem ol i holim ol paitgan na katres bai no inap long givim nem na stori bilong ol long ol memba bilong Polis Fos o ol arapela atoriti; na
- (c) olgeta manmeri husat i givim o i tokaut olsem ol i holim ol paitgan na katres bai no inap long kisim mekimsave long sait bilong ol dispela paitgan na katres.

Skrum bilong Amnesti o malolo long mekimsave i stat long namba 21 de bilong mun-Septemba, 2006 na bai i ron i go inap namba 20-de bilong mun Oktoba, 2006.

Dispela toksave i kamap long namba 21 de bilong mun Septemba, 2006

Hon. Alphonse Willie, MP
Minista bilong Intenal Sekyuriti .



**STATUTORY INSTRUMENT
FIREARMS ACT, 1978**

Sec. 79

**EXTENSION OF AMNESTY FOR FIREARMS AND
AMMUNITIONS**

I, Hon. Alphonse Willie, MP, Minister for Internal Security, by virtue of the powers conferred by section 79 of the Firearms Act, 1978, and all other powers me enabling hereby declare:-

- (a) an extension of the Amnesty for firearms and ammunitions within the Southern Highlands Province, inclusive of all of the area under the declared Emergency (Southern Highlands Province) (General Provisions) Act, 2006; and
- (b) that extension of the declared Amnesty shall be in force for a further period of thirty (30) days

During the period of the operation of the declared Amnesty;

- (a) all illegally manufactured, unlicensed and or unlawfully obtained firearms and ammunitions must be:
 - (i) surrendered to any member of the Police Force; or
 - (ii) declared to a Commissioned Officer of the Police Force

within the area of the declared state of emergency in the Southern Highlands Province.

- (b) all persons surrendering and or declaring any such firearms and ammunitions shall be exempted from providing their personal particulars to members of the Police Force or any other authority; and
- (c) all persons surrendering or declaring any such firearms and ammunitions shall be immune from any criminal prosecution in relation to the said firearms and ammunitions.

The extension of the Amnesty shall commence on and from the 21st day of September, 2006, to the 20th day of October, 2006.

Dated this 21st day of September, 2006

Hon. Alphonse Willie, MP
Minister for Internal Security

Planti ol projek long Is Sipik i no kirap yet

Dia Edita
 Mi laik raitim dispela pas i go long Wantok Niuspepa i go long Gren Sief na Praim Minista na tu Is Sipik Rijinel memba Sir Michael Somare long wanem taim tru bai dispela ol projek em i pomis long en bai kamap.

Nambawan samting em Wewak Intanesenel ples balus, Wewak Wof

na Tin Pis faktori. Ol dispela wok i slow tru na gavman bilong Sief Somare i pilai politikis yet.

Mi askim Plening Sekretari, Valentine Kambori long tokim ol Sipik pipel long wanem taim bai dispela ol projek i stat.

JOHN KRIOSAKI WEWAK

Givim gan long gavman

Dia Edita
 Mi wanpela mangi long Nipa, Sauten Hailans. Tasol nau mi stap long nambis.

Mi laikim tumas dispela wok bilong gavman long Sauten Hailans we ol makim dispela de na taim long givim olgeta gan long gavman. Ol mas harim tok na givim olgeta i go long han bilong gavman.

Sapos praim minista i stap klostu long mi bai mi seken long em stret. Ol lain long Nipa stesen, Tal Ekenda, Koaire, Pulim, Higip, Hupur, Pinga, Ejoa, Semin, Plaito, Utupia, Det, Poroma insait long Mendi taun na ol arapela distrik, mi bai i no inap kolim ples nem olsem. tasol dispela haus lain mi kolim ya, yupela i mas givim ol dispela gan i go long gavman insait long dispela de ol i makim.

Sapos yupela i no givim bai mi kolim nem bilong yupela wan wan long niuspepa. Sapos nogat orait, gavman i noken rikrutim o makim ol man long Sauten Hailans i kamap polis, difens fos o ami na tu memba.

Ol polis, ami na memba tasol i save karim gan i kam na givim long ol lain bilong ol. Husat dispela man insait long dispela wanpela ten tri (13) ples o haus lain mi kolim nem na bai mi kolim nem wan wan long niuspepa long hamas gan yu gat.

Yu hetman long ples o opis man mi save long yu. Yu mas givim tasol wanem kain gan yu gat.

Em tasol toksave bilong mi.

MANGI NIPA SAUTEN HAILANS

Ol samting bilong ol waitman i senisim kalsa na tumbuna pasin

Dia Edita
 I GAT planti ol samting bilong waitman i wok long senisim ol kalsa, kastom na tumbuna pasin bilong ples.

Olsem long wiken i go pinis mi go long ples long wanpela ples Motu hia tasol long Sentrel. Na mi kirap nogut tru long lukim olsem long wok bilong baim meri (Bride price) planti samting i senis. Ol samting olsem long givim sel mani na mani ol i wok long hangamapim ol laplap na ol kolos olsem ol i go salim long seken han. Em i no luk nais na

tu em i daunim ol tumbuna pasin bilong mipela. Mi no amamas long pasin ol ples manmeri i mekim dispela na mi laikim olsem ol viles kansol i mas sindaun na lukluk long dispela na mas i go bek long pasin ol bipo tumbuna manmeri bilong mipela i save mekim samting.

Yumi mas i gat rispek long kastom na tumbuna pasin bilong ples bilong yumi. Em i bikpela samting long laip na sindaun bilong yumi. Em ol samting long ples na yumi mas gat bikpela rispek na amamas long ol kastom na tumbuna pasin bilong ples bilong yumi. Planti samting bilong ples i wok long dai nau bikos long bikpela pasin bilong ol waitman na bikos yumi ol manmeri i no save luksave long ol kastom na tumbuna pasin bilong yumi. Yumi save laik kamap olsem ol waitman. Yumi gat kastom na yumi gat ples long we planti tumbuna samting i stap long en. Maski long yumi giaman na wok olsem yumi nogat ol dispela samting.

Plis ol bikpela manmeri, sief na ol viles kansol bilong olgeta ples hia long Sentrel. Yupela i mas bung na stretim dispela senis na go bek long pasin bilong tumbuna. Yupela i mas tingting strong na wok strong long strongim kalsa, kastom na tumbuna pasin bilong kantri bilong yumi. Wok bung wantaim na kisim kam bek pasin tumbuna.

Tenkyu Wantok long autim dispela wari bilong mi.

KILA KORE NCD SENTREL PROVINS



Stil pasin wok long kamap long pos opis

Dia Edita
 Mi laik autim wari bilong mi long wanem pasin sampela ol wok manmeri bilong pos opis i wok long mekim.

Papa bilong mi bin salim mani wantaim pas, em putim mani insait long pas na salim long adres bilong mi tasol i bin lus.

Tripela taim dispela pasin i kamap na mi no save long wanem as tru na i wok long kamap.

Olsem wanem long ol menesa bilong Pos Opis. Inap yupela sekim gut ol wok manmeri bilong yupela? Ating yupela yet i save mekim dispela pasin tu olsem na yupela no lukluk gut.

Plis mi no laikim dispela pasin long kamap gen. Planti ol narapela tu bin painim kain hevi we mani i lus long Pos Opis we bin stap wantaim pas.

Stil pasin em korapsen so plis stop long dispela pasin.

ANGIE INAUNGRI MADANG

TSLs save sasim bikpela mani

Dia Edita
 Mi wanpela tisa na mi save kontribut i go long TSLs (Teachers Savings and Loans Society).

Mi laik autim dispela komplek bilong mi i go long ol long ol i sasim bikpela lon fi.

Taim ol tisa i save go na givim ol lon aplike-sen long TSL opis, ol opisa bilong ol i save sasim mipela long ol kain fi olsem, Lon prosesing fi long mani mak olsem K25, stemen prinaut long K5 na

ol i save sasim mipela long ol fi olsem K3 inap insait long wanpela mun we ol i save tok Monthly Fee.

Dispela em i no stret bikos long hatwok bilong mipela long wok mipela i save mekim na kontribut olgeta pot-nait i go long ol, kampani i save mekim bikpela mani na dispela mani i save go long we na tu ol i save sasim dispela bikpela fi long wanem?

TSL i no givim mipela sampela profit o dividen i go long akaun bilong mipela.

Ol opisa bilong TSL i mas lukluk na stretim dispela ol fi we ol i save sasim long mipela.

KONSEN TISA NCD

Wewak taun i pulap long ol les manmeri

Dia Edita
 Mi sem tru long lukim na harim long Wewak taun ol manmeri na pikinini i raun nating insait long taun askim long WASA i wan kina mani long baim kaikai na smuk mariwana.

Bilong wanem na dispela ol pasin i kamap ating yupela i nogat bus o graun long go bek long ples na planim ol kaikai.

Planti bilong ol yangpela meri i save askim long Wasa i save go wantaim ol man na

dring bia na wok pasin pamuk wantaim ol man long kisim mani, kago na bilas.

Mi laik save hamas manmeri i stap long ol setelmen na ol haus long Wewak taun i wok na hamas i silip nating na mekim dispela ol doti na sting pasin i stap.

Inap gavman wokim wanpela sevei o wok painimaut?

JOHN KRIOSAKI WEWAK

Goroka So i no olsem pastaim

Dia Edita
 LONG Septemba 16, ol i bin kirapim dispela Goroka So long Goroka yet na mi bin sem stret long wanem em i no olsem bipo. Planti samting i senis olsem ol i no mekim sampela ol pilai we i save kamap long bipo taim ol i save autim dispela so. Kalsa na tumbuna pasin tu i senis bikpela tru.

Na tu ol i mas senisim de bilong autim dispela

Goroka So long narapela taim na i no long Independens de bikos ol i no soim ol samting bilong So ol i amamasim independens de. So i save pulim planti turis so plis ol oge-naisim komiti bilong Goroka So i mas mekim gut bilong neks So.

MANGI GOROKA GOROKA TAUN ISTEN HAILANS

Lukautim ol turis

Dia Edita
 LONG las wik mi ritim long pepa olsem wanpela Siapan (Japan) turis i bin kisim bagarap we sampela raskel i atekim ol na stilim ol samting bilong ol. Long wanem na kain samting i save kamap long ol turis bilong yumi we ol i save kam raun long kantri bilong yumi. Yumi save giaman tok olsem PNG em wanpela sef hap long raun long ol turis bilong yumi long kam lukim ol gutpela ol sait tasol em i no tok tru. Em i olsem long sampela wik i go pinis we ol sampela turis tu

bilong narapela kantri i bin kam raun na ol i no kisim sevis we ol tua opereta i tok ol i bai kisim. Dispela em i sem pasin stret bilong wanem yumi giaman planti bilong ol na yumi no mekim rait pasin. Ol wan wan tua opereta long PNG i mas wok gut long mekim stret wok ol sapos long mekim. Na TPA i mas lukluk strong long dispela tu. I no long taim bai ol i les long kam long PNG long kain pasin.

KONSY UA POT MOSBI

WANTOK
KOMENTRI

Opis bilong gavman i no bilong wan wan man

YUMI wok long lukim planti kros pait na sut toktok i wok long kamap long ol bikpela opis bilong gavman.

Tasol long wanem as tru na olgeta dispela samting i wok kamap? Wanpela bikpela as we planti long yumi long pablik i wok luksave long em nau em i no nupela samting. Em dispela pasin bilong tingim wan wan yet, maski yumi bosim opis we i save wokim wok bilong pipel.

Ol bikpela opis olsem fainens na tresari, atoni jeneral, opis bilong komisina bilong polis, sekretari bilong ol dipatmen na ol wok olsem etministrata bilong ol provins em ol posisen we i stap bilong ol saveman stret bilong holim na stiam wok-developmen bilong kantri.

Planti taim yumi lukim ol man i holim ol dispela wok i save pait strong tru long holim pas. Sapos man i bosim i wok mekim gutpela wok, bai yumi harim ol kain kain sut toktok i kamap long rabisim nem bilong ol. Planti taim ol dispela kain sut toktok i save kamap long maus bilong ol arapela lain opisa husat i laik winim rausim wok long narapela.

Dispela i no stretpela pasin. Sapos wanpela man tasol i wok long kirapim kain kain sut toktok agensim narapela man i mekim gutpela wok, dispela man i mekim sut toktok i noken tru winim opis.

Gavman i mas luksave long dispela.

Long wankain taim, planti bikmanmeri insait long ol gavman opis bilong tude, na tu insait long praivet bisnis sekta, i save yusim media bilong mekim ol paul wok bilong ol. Ol i save kamapim ol giaman pepa na salim i go long ol wan wan ol niusman long putim long niuspepa, radio o TV. Olgeta taim dispela i save kamap, nem bilong ol gutpela man i save bagarap.

Long wanem as tru? Sapos man i holim bikpela opis na i gat kla evidens olsem em i no mekim stret wok bilong en, orait, em i mas lusim dispela opis.

Wanem taim bai yumi lukim ol bikman bilong yumi i skelim bel bilong ol na lusim opis sapos ol i save olsem ol i no inap mekim wok gut.

Pasin bilong pilai politiks em i no bilong ol pablik sevan. Nogat. Em bilong ol politisen tasol.

Yumi PNG i sanapim ol strongpela banis long daunim pasin bilong pilai politiks insait long palamen. Nau yumi bai lukim namba wan gavman i holim opis inap 5-pela yia olgeta.

Olsem wanem long ol bikpela opis bilong gavman? Ating mobeta yumi mas i gat rot bilong banisim ol dispela opis tu bai dispela kain pasin bilong politiks i noken stap insait. Gavman nau i mas lukluk na skelim gut ol man em i makim long ol bikpela opis bilong en. Opis bilong gavman i no opis bilong wanpela man o bilong ol man bilong wanpela ples tasol. Em i opis bilong ol pipel bilong Papua Niugini.



Stretim gut rot bilong 2007

NOKEN paulim ol wok na ol samting i go kam. Yumi olgeta i save pinis olsem taim bilong Nesenel Ileksen bai kamap long neks yia na ol kendidet bai mekim kain kain pasin na stail nau.

Sampela politiks bilong nau bai traim long bagarapim na daunim sampela gutpela kendidet bilong 2007. Olsem na wok i stap nau long han bilong Ilektoel Komisn long glasim gut ol pasin na ol samting sampela lain bai mekim nau na holim ol na tokim ol stret.

Olsem na nau em taim bilong klinim na stretim sampela rot i kamap gut bai ileksen i ken kamap gut bihainim.

Bikpela samting em Ilektoel Komisn i mas stretim rot na ol wok bilong ol gut pastaim long ol i go aut. Dispela em bikos ol i namba wan lain bilong mekim ileksen i kamap gut. Sapos ol i no mekim gut wok

WANTOK SISTEM

bilong ol bai ileksen i bagarap: Na dispela inap kamapim planti hevi na trabel long ol Ilektoel na gavman bai inap tromoi bikpela mani tru long karimaut ileksen gen o go long kot long stretim ol hevi i kamap.

Bikpela samting nau em opis bilong Ilektoel Komisn i mas redim em yet gut nau pastaim long em i ting olgeta samting bai i go orait.

Long 2002 nesenel ileksen long kantri planti Ilektoel i bin bungim planti hevi. Taim ol dispela hevi i kamap, ol kendidet o lain i lus long ileksen i go long kot. I gat luksave olsem sampela bilong ol hevi i

kamap long ileksen em asua bilong ol wokmanmeri bilong karimaut ileksen yet. Ol Ilektoel Opisa na Ritening Opisa i mekim sampela asua tu we ol inap long stretim pastaim long go het na tokaut o diklerim nem bilong wina.

Ol asua sampela balot bokis i kam long nait na kam long tali rum we dispela i no stret olgeta. Sampela balot bokis em ol aspies lain yet i karim i kam na nogat gavman opisa o polisman i kam wantaim. Sampela balot bokis i nogat na ol i pulapim balot pepa long katen bokis o patrol bokis na karim kam long tali rum. Em planti kainkain komplem na kros we i bin kamap long 2002 nesenel ileksen ga bipo tu.

Dispela i mekim planti kainkain kot bilong Disput ov Ritens i kamap long planti Ilektoel we i pulim kot i go longpela taim tru na ol memba i no sindaun gut na mekim wok bilong ol bikos ol i raun

raun long kot ya. Na tu ol pipel i no kisim wanpela sevis o projek bikos memba i no stap long kisim distrik mani i kam long kamapim wok.

Dispela tu bai namba wan taim bilong nupela ileksen sistem bilong Preferensel Voting Sistem bai kamap. Sampela Ilektoel i statim pinis. Olsem na mekim samting stret bai yumi ken lukim dispela nupela stail o pasin bilong vot i ken kamap gut long kantri na i ken wok gut tu long planti ileksen i kam bihain.

Yumi lukim planti hevi pinis bilong bai ileksen na yumi mas abrusim dispela nau. Yumi laik stopim na rausim ol korapsen pasin. Olsem na taim yumi gat gutpela ileksen sistem, em nau yumi bai gat gutpela na trupela lida. Yumi inap lukim gutpela kaikai bilong delvelomen na sevis long distrik, provins na kantri olgeta.

Harim Singaut bilong God

LONG las sapta yumi bin lukim tupela samting pasta i save long en. Em i mas save God i kisim em bek long pasin bilong sin na God i bin pulapim em long Holi Spirit.

Nau yumi kam long namba tri samting pasta i save long em.

Pasta i mas save God i singautim em long mekim wok pasta.

God i laik kisim bek olgeta man na meri long pasin bilong sin na tu laikim Holi Spirit i pulapim bel bilong olgeta mekim wok pasta. Dispela singaut bilong em i bikpela samting tru.

Sampela man i gat tingting long mekim wok pasta tasol dispela i no singaut bilong God. Sampela i gat kain tingting olsem, "Mi les long stap long ples, ating bai mi go long Baibel skul na kamap pasta." Wok pasta em i wanpela isi wok. Ol pasta i save sanap long Sande monin na autim tok long ol manmeri. Em i no wanpela hatwok na ating mi i ken mekim. "Mi no painim wok mani long narapela hap olsem na bai mi go long Baibel skul na kamap pasta." "Ol manmeri i save amamas long pasta na harim tok bilong em. Em i gutpela tru olsem na mi mas kisim wok bilong pasta."

OL PRINSIPOL BILONG GUTPELA
wantaim Evangelist
OHARE JABERE

Ol dispela lain i no bin harim singaut bilong God. Ol i bihainim laik bilong ol yet, taim hevi i kamap ol dispela kain lain bai lusim wok na ranawe. Planti taim baibel i tok man i mekim wok bilong Goa em i olsem man i lukautim sipsip. Jisas i bin tok lonh man i lukautim sipsip bilong kisim mani tasol em i no wari long sipsip. Sapos man i wok mani tasol na em i no wasman tru bilong ol sipsip na em i no papa bilong sipsip, orait taim em i lukim weldok i kam, em i bai lusim ol sipsip na ranawe. Na weldok bai i kaikai ol sipsip na ranim ol i go nabaut. Dispela man bai mekim olsem long wanem em i wok long kisim pe tasol. Em i no tingting tru long ol sipsip. (John 10:12-13).

Wanpela i no ken tingting long wok mani tasol na kamap pasta. Nogat. Em i mas harim singaut bilong God na mekim wok. Yumi bai i lukluk long singaut bilong God i kam long tupela man Moses na Pol.

God i singautim Moses. Stori bilong God i singatim Moses i stap long Kisim Bek 3 na 4.

1. Moses wok i stap na God i singautim em

God i no save singautim ol les man long mekim wok bilong em. Nogat tru. Tingim ol bikman bilong baibel, ol mekim wanem na God i singautim ol?

Gideon i wok long rausim ol lip samting bilong rais wit. Hetman 6:11. Samuel i pikinini na wok long temple na God i singautim em. (1 Samuel 3). David i lukautim sipsip na Samuel i makim em long kamap king. (1 Samuel 16:11-13). Elisa i wok wantaim bulumakau long brukim graun na Elaia i kam na tok save long God i singautim em. (1 King 19:19-20). Pita, Endru, Jems na Jon i wok long pulim pis i stap na Jisas i singautim ol. (Metyu 4:18-22).

Ol dispela stori i soim God i no save singautim les man long mekim wok bilong em. Sapos wanpela man i taitim bun na mekim sampela liklik wok, orait God bai i lukim wok bilong en i gutpela na em bi singautim em long mekim sampela arapela wok i bikpela moa.

2. Moses i lukim diwai i paia na i haim singaut bilong bikpela

God i yusim dispela diwai i paia bilong kirapim tingting bilong Moses. Moses i go bilong painimaut bilong wanem diwai i paia na God i toktok wantaim em. Planti taim God i laik tok long yumi tasol bel bilong yumi i pulap long ol tingting bilong yumi yet, olsem na God i mas mekim sampela kain narapela kain samting long i kamap bilong opim ai na yau bilong yumi. Sampela taim God i yusim driman long kirapim bel bilong man na bi i harim singaut bilong God. Sampela taim God inap yusim sik o wanpela hevi bilong mekim wanpela man o meri i tingting planti na bai em i harim singaut bilong God.

Asaia i stap insait long temple na lukim samting olsem driman na God i toktok long en, "Husat bai i brigim tok bilong mi i go?" Asaia 6:8. Planti arapela manmeri i bin stap long lotu na long taim ol i singim song o long taim ol i harim tok ol pasta i autim, na ol i harim singaut bilong God.

Sampela i stap long haus bilong ol na ol i ritim Baibel na mekim pre na ol i pilim God i singautim ol.

WANTOK

Published Weekly, Thursday, for Word Publishing Company, Ltd.

P.O. Box 1982, Boroko, NCD

Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa


Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Section 66, Allotment 3
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



TOK PISIN NEWS
from Radio Australia
radioaustralia.net.au

Harim TOK PISIN long Radio Australia
101.9FM
Port Moresby

Tok Pisin Service
6am - 7am 6030; 7240 (KHZ)
7pm - 9pm 5995; 6020; 9710; 1280 (KHZ)

Pope Benedict bungim ol lida bilong lotu islam

HETMAN bilong lotu Katolik, Pope Benedict klostu i toktok wantaim ol lida bilong lotu islam long traim kamapim sampela bel-isi long dispela koros blong ol long hap toktok em i bin mekim i no long taim i go pinis long Islam.

Miting bilong ol i kamap long Rome bai lukim i bringim wantaim samting olsem tupela-ten ol

mausman i makim ol Muslim kantri i go long dispela bung.

Ol mausman bilong Iran, Turkey na Morocco, em olgeta bilong ol i bin tok stret olsem ol bai i go long dispela toktok.


Mausman bilong Vatican i bin tok em i no save long kain tingting olsem i bin kamap inap nau long 10-pela yia.

Wanpela belhat i bin kamap long ol muslim kantri sampela de i go pinis taim pop i bin mekim wanpela toktok we em i makim wanpela toktok bilong medieval Kristen empera, we em i bagarapim sampela "skul" bilong Prophet Mohammed.

Pope Benedict i bin tok em i sori tru long em i bagarapim tingting bilong sampela muslim.

DAI PINIS O NOGAT?

DISPELA em i wanpela piksa bilong Osama Bin Laden long Afganistan. I bin i gat wanpela ripot insait long wanpela niuspepa long kantri Frans we i tok olsem ol intelijens lain bilong Frans i ting Bin Laden i dai long mun i go pinis long Pakistan bihain long em i kisim sik taipoit. Tasol Presiden bilong Frans Jacques Chirac i tokaut dispela wik olsem ol i no kisim stret toksave na i nogat evidens i soim olsem Bin Laden i dai pinis. Bikpela glasim tingting nau i wok long kamap long Amerika we ol saveman i wok long skelim sapos dispela niuspepa ripot i tru o nogat. AAP foto.



RAMSI i haitim toktok em i sapatim wanpela sait long Solomons

RIJINEL Asistens Misin long Solomon Ailans i no bin laik tok stret long ol toktok i bin kamap olsem em i wok long sapatim wanpela sait long dispela etnik kraisis long ailan.

Asisten Spesol Kodineta bilong RAMSI, Masi Lomaloma i bin tok ol i

no sapatim Malaita pipel agensim ol pipel bilong Gwale long Guadalcanal.

Em i tok ol dispela tok win, ol viles pipel i bin kamapim i go long wanpela miting ol i bin holim olsem hap bilong komuniti outreach program bilong RAMSI.

Tasol Mista

Lomaloma, husat i blong Fiji, i bilip pipel i kamapim ol dispela tokwin long wanem ol i laik i go bek long ol dispela ol pasin bilong pait na trabel em tupela lain i bin stap insait long en long 1997.

"I nogat as long dispela tokwin. Mipela i bilip olsem ol dispela

tokwin i kam long ol pipel husat i no laikim Solomon Ailans long develop i go het.

Na ol dispela lain em ol lain husat i wok long mekim mani long dispela pait na ating yu save olsem ol i laikim Solomon Ailans long go bek long dispela kain sindaun."

Niue i mas rausim indipendens bilong em

WANPELA memba bilong Nu Silan (New Zealand) palamen i bin tok Niue i mas luksave long ol hevi bilong nau na rausim independens bilong em.

John Hayes, husat i mausman bilong oposisen National pati long Pasifik afes, i bilip ailan

i nogat tru inap pipel.

Wanpela senisis ol i bin mekim i no long taim i go pinis long kaundim ol pipel long ailan, i bin soim olsem dispela liklik Pasifik kantri, i bin lusim pinis 200 pipel stat yet long 2001, na nau em i gat tasol 16-handret pipel long ailan.

Niue em i self-gavman na fri asosiesen wantaim Nu Silan na olgeta pipel bilong Niue ol i olsem otometik sitisen bilong Nu Silan.

John Hayes i tok Niue i mas kamap nau hap bilong Nu Silan, wankain olsem Chatham Islands.

Liklik guria i bin kamap long Sulawesi island Indonesia

WANPELA liklik guria i bin kamap na sekim sampela hap blong Sulawesi Ailan bilong Indonesia, tasol nogat ripot bilong ol bagarap o pipel i dai long en.

Strong bilong dispela

guria i bin nap long 5.7 long Richter scale ol i bin makim em i kamap 57 kilomita aninit long solwara bilong Maluku, samting olsem 205 saut is bilong sitti bilong Manado long arere stret long noten saif bilong

Sulawesi ailan.

Ol pipel long Manado i ken pilim em liklik na tu long taun blong Gorontalo, em i stap samting olsem 240 kilomita long saut is bilong Tentate ailan long is.

Pakistan presiden i rausim tingting bilong rausim em

PAKISTAN Presiden, Perves Musharraf i bin rausim ol ripot i bin kamap olsem bai i gat wanpela ku bai kamap, agensim em, na i bin tok kantri bilong em i no 'banana repablik'

Ol nius ripot bilong kantri i bin tok ol tokwin i wok long kamap bikpela tru long Pakistan bihain long bikpela pawa kat long kantri aste na dispela "medikel check up" Presiden i bin stap insait long en long Amerika i kamapim nau ol dispela tok win.

Associated Press bilong Pakistan i

bin kisim toktok bilong Presiden Musharraf long New York na i bin tok olsem dispela ol ripot i giaman toktok tasol.

Jeneral Musharraf i bin tok tu olsem ol dokta i bin tokim em olsem em i "fit-man" stret" nogat wari long helt bilong em, taim ol i lukluk long helt bilong em long dispela lukluk bilong em i go long Texas. Em i tok wanpela dokta i bin tokim em long kisim dispela tes long wanem em i no bin lukim ol dokta long glasim em inap long 12 yar.

Fiji mas lukluk long arapela rot bilong eleksen - EU

ILEKTRAL obseva bilong lain European Union i bin tok gavman bilong Fiji i mas lukluk nau long ol arapela rot o sistem bilong vout na maski long dispela sistem ol i wok long bihainim nau.

Obseva tim i bin putim aut wanpela ripot blong ol bilong eleksen bilong dispela yar long Fiji we ol i tok

dispela "alternative sistem" ol i wok long yusim nau i no gutpela tumas.

Hetman bilong European observer misin long Fiji, Istvan Szent-Ivanyi (ist-varn cent ee-varnee) i bin tok i gat sampela sistem istap Fiji ken lukluk long ol, olsem long dispela olpela "first-past-the-post" ilektorel sistem.

Solomon Polis i redi long wanem trabel i kamap

SOLOMON Ailans polis komisina i bin tok fos bilong em i redi long wanem trabel em inap kamap taim palamen i statim gen kivung bilong em long wik bihain namba 2 de bilong mun Oktoba.

Ol pait i bin kamap long ol bikrot bilong Honiara long mun Epril bihain long nesanel

ileksen, na China-taun distrik, klostu i bagarap olgeta pastaim long ol i givim Praim Minista wok i go long Manassah Sogovare.

Solomon Ailans Opposisen i bin tok em i gat strongpela bilip em i nap winim "vout-nogat bilip" long Praim Minista Sogovare taim palamen i statim miting

blong em.

Polis Komisina Shane Castle i bin tok i nogat samting i soim olsem bai i gat trabel, tasol lukluk bek long ol dispela taim i go pinis, em bai rong long polis nonap redim ol yet na stat plan long ol kain trabel inap kamap.

Pacific BEAT Listen to Radio Australia 101.9FM Port Moresby

4, 5, 6am & 4pm, 5pm including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



MAS TAIM: Koreksinel Sevis Ben i mekim musik long rot taim ol i mas i go daun long nambis long Pot Mosbi.



SAM SAM: Ol Madang sumatin i krapim das long kalsarel de bilong Gordons Sekenderi skul las wik sarere long Pot Mosbi.



SOIM ROT: Gavana Jenerel Gren Sief Sir Paulias Matane i tok ol pipel i mas lukautim ples na em yet i go pas long wok.



WOK BUNG: Planti manmeri kama na helpim long klinim nambis long Pot Mosbi las wik Fraide.



BILAS: Nadia Roga i luk stail tru wantaim bilas bilong em.



PES O?: Ol lapun i mekim gutpela wok tru long pes bilong dispela mangi Sepik.

Ol kain kain rot bilong kukim pinat

Rostim pinat wantaim skin
WASIM pinat, putim i go long san na em i drai gut pastaim, bihain rostim.

Wanpela rot bilong rostim i olsem: Slipim hap ain o kapa antap long paia, putim pinat antap long en na kukim.

Narapela rot: Kukim long pinat rosta.

Sapos yu gat planti pinat moa yet, na i gat lektrik pawa long ples bilong yu, orait, pawa i ken tanim masin na winpaia o ges i ken kukim.

Taim yu kukim pinat, paia i noken hat tumas, nogut pinat i paia. Kukim 45 minit o wan aua samting. Pinat i mas drai olgeta. Lukim namba tu skin i kamap retpela na i no pas moa long pinat, em nau, pinat i kuk pinis.

Sapos yu laik long dispela pinat i stap gut longpela taim, pulimapi long tin o botol i gat tuptup na pasim gut.

Pinat wantaim kumu

Rausim skin bilong nupela pinat na kukim pinat wantaim kumu. Em i gutpela rot bilong grisim kumu na bai i sevim mani bilong yu long yu no ken tromoi long baim tin pis na tin mit.

Sapos yu gat masin bilong brukim nupela pinat, orait, brukim pinat pastaim na kukim wantaim kumu. (Nem bilong dispela masin em i minsas).

Sapos pinat i drai pinis, orait, putim long kolwara na i solap pastaim, bihain kukim wantaim kumu.

Boilim pinat wantaim skin

Pulimapi pinat wantaim wara na sol long

sospen na bolim wan aua samting. Tan pinis na i hat yet, orait, yu ken kaikai.

Dispela kain em i gutpela tru bilong helpim ol pikinini. Yu ken givim ol wantaim susu.

Sapos yu laik wokim bilong planti pikinini, skelim olsem: 8 kilogram pinat, 1-pela kap sol, 40 lita wara (em i 10 galen). Kukim. Tanim 10-pela kap paura susu wantaim 24 lita wara. Givim wan kap susu na hap kap pinat long wan wan pikinini.

Sapos yu laik wokim long liklik lain pikinini, kisim 750 gren pinat, 2-pela spun sol na 4 lita wara. Kukim. Tanim 1-pela kap paura susu wantaim 10-pela kap wara na givim wan kap susu na hap kap pinat long wan wan pikinini.

Pinat wantaim sol

Rausim skin pinat: Hatim wel bilong kuk. Kukim pinat long em. Tan pinis, rausim pinat na larim i stap na i kol pastaim, orait, putim sol.

Sapos yu laik pasim dispela kain pinat i stap longpela taim, putim long tin o botol i gat tuptup na pasim gut. Sapos yu laik rausim namba tu skin pastaim na bihain putim sol, em tu i orait.

Narapela rot: Rausim skin na kukim pinat long pinat rosta o long hap kapa. Kukim pinis, orait, rabim liklik wel bilong kuk long en na putim liklik sol.

Praim Pinat

Rausim skin bilong pinat. Putim planti wel bilong kuk long wanpela sospen. Putim sol tu. Hatim na kukim pinat long en.

Wokim olsem:

1. Rausim skin na putim pinat long wanpela tin wantaim wara na larim i stap wanpela nait. Long tumora, rausim namba tu skin na putim pinat long san inap wan aua.

2. Hatim wel bilong kuk long sospen. Hat pinis, putim pinat.

3. Kisim stik o spun diwai na tanim, nogut pinat i paia. Putim sol i go tu.

4. Lukim pinat i kamap retpela pinis, orait, rausim sospen long paia na rausim pinat. Was gut, hat ya!

Sapos yu laik kukim planti pinat, orait, skelim olsem 3kg pinat (i no gat skin), 4 lita wel bilong kuk, 1-pela kap sol. Sapos yu laik kukim liklik tasol, skelim olsem: 2-pela kap pinat, 1 hap kap wel bilong kuk, 2-pela spun sol.

Sapos yu gat narakain anian ol i kolim galik, orait, putim liklik galik tu taim yu kukim. Bai smel bilong em i swit moa.

Taim yu kukim pinis, na hap wel i stap yet, larim i go kol na putim long botol gen. I no ken lus nating.

Pinat bata

Rausim skin bilong pinat. Rostim pinat (no ken boilim). Larim i stap na i kol. Rausim namba tu skin.

Brukim pinat long liklik masin ol i kolim grainda.

Taim yu brukim i stap yet, orait, putim liklik sol na liklik wel bilong kuk. Sapos yu laik, putim liklik suga tu.

Brukim pinat gen nag en bilong memeim olgeta. Bai i kamap pinat bata.

Putim dispela pinat bata long tin o long



botol i gat tuptup na pasim gut. Bai em inap stap longpela taim liklik.

Kari pinat

Hatim wanpela spun gris o: wel long praipan. Putim 1-pela spun karpaura na katim 1-pela lombo i go liklik na putim long gris. Putim pinat na kukim i go tan.

Kek pinat

Kisim samting olsem: 2-pela kap kawkau (kuk pinis), 1-pela kap skrap kokonas (sapos i gat), 1-pela kiau bilong kakaruk. Sapos i no gat kiau, orait,

2-pela spun wait plaau, 2-pela kap pinat (kuk pinis na brukim pinis).

Wokim olsem: Bungim ol dispela samting long wanpela dis na tanim na abusim gut. Sapos i pas pas tumas, orait, putim liklik wara o susu o gris bilong kokonas.

Wokim liklik liklik kek. Kukim long praipan wantaim gren. Narapela rot, kukim long stov olsem bret.

Nem:
 Krismas:
 Man o Meri:
 Atres:
 Telepon Namba:
 Long givim bekim long ol askim.
 makim olsem Salim i kam long long: Wantok Ridasip Seve, P.O. Box 1982, Boroko, NCD Papua New Guinea

Tunde
 Trinde
 6. Yu save baim Wantok hamas taim? (makim wanpela tasol)
 Olgeta wik
 1-3-pela taim long wan wan mun
 1-pela taim insait long sampela mun
 Wan wan taim tasol
 Mi no save baim

1. Yu save baim na ritim Wantok hamas yia nau?
 1-pela yia
 2-pela yia
 Moa long 2-pela yia

7. Yu save laikim wanem ol pes insait long Wantok?
Pes

Pes	Laikim	No Laikim
Nius	<input type="checkbox"/>	<input type="checkbox"/>
Rijinil Nius	<input type="checkbox"/>	<input type="checkbox"/>
Sios	<input type="checkbox"/>	<input type="checkbox"/>
Helt Nius	<input type="checkbox"/>	<input type="checkbox"/>
Edukesen Nius	<input type="checkbox"/>	<input type="checkbox"/>
Oi Pas	<input type="checkbox"/>	<input type="checkbox"/>
Komentri	<input type="checkbox"/>	<input type="checkbox"/>
Wol/Pasifik Nius	<input type="checkbox"/>	<input type="checkbox"/>
Meri Nius	<input type="checkbox"/>	<input type="checkbox"/>
Haus Na Gaden	<input type="checkbox"/>	<input type="checkbox"/>
Glasim Musik	<input type="checkbox"/>	<input type="checkbox"/>
Entatemen	<input type="checkbox"/>	<input type="checkbox"/>
Komik na Pilal	<input type="checkbox"/>	<input type="checkbox"/>
Stori Buk	<input type="checkbox"/>	<input type="checkbox"/>
Rurel Industri	<input type="checkbox"/>	<input type="checkbox"/>
Bisnis Nius	<input type="checkbox"/>	<input type="checkbox"/>
Spot Dro	<input type="checkbox"/>	<input type="checkbox"/>
Spot Foto	<input type="checkbox"/>	<input type="checkbox"/>
NRL Nius	<input type="checkbox"/>	<input type="checkbox"/>
Spot Nius	<input type="checkbox"/>	<input type="checkbox"/>

4. Yu ting wanem long prais bilong baim Wantok? K1 long Mosbi, na K1.30 ausait long Mosbi?
 Em i dia tumas
 Em i orait
 Em i liklik tumas

8. Yu save laikim ol nius stori insait long Wantok Niuspepa o nogat?
 Mi save laikim stret
 Em i orait
 Mi no save laikim tumas
 Sapos yu no laikim, yu laikim wanem kain nius stori insait long Wantok?

5. Yu save baim Wantok long wanem de insait long wan wan wik? (makim wanpela tasol)
 Fonde
 Fraide
 Sarere
 Sande
 Mande

9. Yu laikim wanem kain pilal resis insait long Wantok? (Makim raunim yes o nogat long wan wan)
 Painim bal resis Yes Nogat
 Kalarim piksa resis Yes Nogat
 Raitim stori resis Yes Nogat
 Kanage stori resis Yes Nogat
 Oi kwis o askim resis Yes Nogat
 Sudoku Yes Nogat

10. Wanem kain ol prais bai kirapim bel bilong yu long traim ol resis insait long Wantok?
 Yes, mi save laikim
 Nogat, mi no laikim

11. Yu save laikim ol pilal na kwis o askim resis bilong traim we i nogat prais bilong en o nogat? (makim wanpela tasol)
 Yes, mi save laikim
 Nogat, mi no laikim

12. Hamas manmeri i save ritim Wantok Niuspepa yu baim? (makim wanpela tasol)
 1-pela manmeri
 2-pela manmeri
 Inap long 6-pela manmeri
 Moa long 6-pela manmeri

14. Yu save laik ritim Catholic Reporter na Gavamani Sivarai inset o nogat?
 Yes
 Nogat

15. Yu baim wanpela samting yu bin lukim insait long Wantok Niuspepa etvatismen tu o nogat?
 Olgeta taim
 Wan wan taim tasol
 Nogat

16. Logo o piksa bilong Wantok em i wanpela sel kaur na dispela toktok "Niuspepa bilong yumi ol PNG stret". Yu ting Wantok

Niuspepa i makim ol grasrut pipel bilong PNG?
 Yes
 Nogat
 Sapos nogat, plis tok klia:

17. Yu laik lukim moa, liklik tasol o wankain namba foto, stori na ol etvatismen insait long Wantok Niuspepa?
 Moa Liklik tasol Wankain Foto

18. Yu ting Wantok i mas kamaut yet long Fonde o yu laikim i kamaut long narapela de insait long wan wan wik? (makim raunim yesa o nogat)
 Kamaut yet long Fonde Yes Nogat
 Kamaut long narapela de Yes Nogat
 Wanem De? _____

19. Sapos Wantok i kamaut tupela taim long wan wan wik bai yu baim tupela pepa wantaim? (makim wanpela tasol)
 Yes Nogat Sampela taim tasol

20. Sapos Wantok i kamaut tupela taim long wanpela wik, yu laikim bai em i kamaut long wanem tupela de? (Raitim wanem tupela de)
 De Namba 1 _____
 De Namba 2 _____

21. Yu ting wanem long kain tok pinis insait long Wantok? (makim wanpela tasol)
 I gutpela tru
 Gutpela tasol
 Em i orait
 I no gutpela
 I nogut olgeta
 Plis tok klia

22. Yu ting tok pinis insait long Wantok em i tok pinis yu save yusim long ples yu stap long en?
 Yes Nogat
 Plis tok klia:

23. Yu save kleim nius na toksave long wanem hap? (makim olgeta rot)
 Wantok

Post Courier na National
 Redio
 Televisen
 Arapela (plis tok klia):

24. Yu save ritim wanem ol arapela niuspepa insait long wan wan wik?
 Post Courier Yes Nogat
 The National Yes Nogat
 Oi ovasis niuspepa Yes Nogat

25. Yu save baim ol dispela niuspepa hamas taim insait long wanpela wik? (makim namba)
 Post Courier 1 2 3 4 5
 The National 1 2 3 4 5
 Oi ovasis niuspepa 1 2 3 4 5

26. Yu save harim wanem ol redio stesin? (makim ol redio stesin yu save harim)
 Provisnel Redio, olsem Redio Morobe,
 NBC / Karai
 FM 100
 Nau FM
 Yumi FM
 Wantok Redio Lait
 Redio Australia
 Arapela (plis tok klia)

27. Yu save lukim TV hamas taim tru insait long wanpela wik? (makim wanpela tasol)
 Mi nogat TV
 I go inap 1 awa
 Namel long 1 na 3-pela awa
 Namel long 3 na 6-pela awa
 Namel long 6 na 10-pela awa
 Moa long 10-pela awa

28. Yu save laik lukim wanem ol dispela stesin?
 EMTV CNN ABC
 SBS HBO

BBC
 Arapela (plis tok klia)

29. Yu save mekim wanem kain wok? (makim wanpela tasol)
 Fama
 Nogat Wok
 Haus meri / domestik
 Wok potnait
 Infomol Sekta Wokman
 Sios wokman
 Sumatin
 Arapela
 wok

30. Wanem mak bilong skul bilong yu? (makim wanpela tasol)
 Nogat skul
 Misin skul
 I go inap Gret 6
 I go inap Gret 10
 I go inap Gret 12
 Spesol o teknikal trening (i no koles)
 Sampela skul long koles
 Greduet long Koles
 Sampela skul long yunivesiti
 Yunivesiti Greduet

31. Yu gat hamas krismas (makim wanpela tasol)
 I go inap 15 krismas
 16-20 krismas
 21-25 krismas
 26-30 krismas
 31-40 krismas
 40 na i go antap

32. Hamas manmeri i stap insait long haus bilong yu. Kandim yu yet tu. (makim wanpela tasol)
 Wanpela
 Tupela

Tripela
 Fopela
 Paipela
 Namel long 6 na 10
 Moa long 10

33. Yu save laik ritim o harim nius bilong yu long wanem kain tok ples? (makim raunim wanpela anint long tupela het tok)
 Ritim Nius Harim Nius
 Inglis Inglis
 Tok Pisin Tok Pisin
 Motu Motu

34. Taim yu toktok wantaim ol poroman o famili bilong yu, yu save yusim wanem tok ples? (makim wanpela tasol)
 Inglis
 Tok Pisin
 Motu
 Sapos arapela tok ples, plis tok klia

35. Long lukluk bilong yu, yu ting wanem long Wantok Niuspepa nau? (makim wanpela tasol)
 Namba wan stret
 Gutpela tru
 Gutpela
 Em i orait
 I no gutpela
 Plis tok klia

36. Wantok i go mobeta o nogat? Skelim wantaim Wantok bilong 5-pela o 10-pela yia i go pinis. (makim wanpela tasol)
 I gat planti gutpela samting moa
 I gat sampela gutpela samting tasol
 Em i wankain tasol
 Em i nogut moa
 Em i bagarap olgeta nau
 Plis tok klia.

Dispela ridasip seve bai ron i go inap Fonde Oktoba 28, 2006. Ol wokmanmeri bilong Word Publishing Company na Wantok Niuspepa i no inap stap insait long resis bilong winim prais.

Givim bekim na winim Prais!



Sans long winim tiket na rum silip wantaim Airline PNG

2nd Prais!



3rd Prais! K500 kes moni i kam long



4th Prais - K200 kes moni na 5-pela katen Sardine tinplis

5th Prais - K100 kes moni na 5-pela katen RD Tuna tinplis

Ol arapela prais - Ol kala WANTOK T-slot na kep



Strongim wan kain luksave bilong ol meri

Noreen Dada i raitim

BIKPELA hevi bilong banis bilong developmen bilong kantri em nogat gutpela wan kain luksave bilong ol meri.

Dispela tok i kam long wanpela yut husat i stap insait wanpela wik bung bilong ol yut insait long Pot Mosbi dispela wik.

Yut memba bilong Sauten Hailans Provins Joy Wabiria i tok PNG i wanpela kantri we i gat kain kain kalsa na kastam we planti i no promotim jenda ikwaliti bilong ol meri.

"Moa aweanes mas kamap insait long ol viles long skulim ol pipel

long wanem samting em jenda ikwaliti o pasin long givim wan kain luksave long ol meri.

Mi olsem yangpela meri insait long kantri i pilim olsem planti pipel i no save gut tru long wanem samting em jenda ikwaliti.

Mi bilip olsem sapos yumi laikim kantri long kamap strong yumi mas kirapim save bilong ol man na meri tu long dispela bikpela samting," Mis Wabiria i tokim Wantok Niuspepa.

Mis Wabiria i go het long tok olsem ol meri tu mas helpim ol yet long luksave olsem ol i no mama bilong haus o meri husat wok bilong em i long karim ol pikini-

ni tasol.

"Planti ol meri, tu insait long Sauten Hailans i pilim olsem luksave bilong ol i orait- ol i bihainim ol kalsa we i tok ples bilong ol meri i long stap long haus na lukautim ol pikinini.

Mi laik singaut long ol meri insait long kantri olsem yupela gat moa wok long stap tasol long haus."

Mis Wabiria i autim tingting bilong en long wanem samting ol pipel mas mekim long lukim olsem dispela hevi bilong nogat wan kain luksave bilong ol meri i kisim sampela luksave.

"Namba wan samting em yumi mas karim aut aweanes long ol meri we

bikpela luksave i go long strongim bilip bilong ol long ol yet.

Narapela tingting i long moa bisnis, non gavman ogenaisesen na gavman tu long kirapim moa woksop bilong ol meri long helpim ol painim o developim kain kain skil we ol i bai inap long sapotim ol yet."

Long wan kain taim Minista bilong Komyuniti Developmen Dame Carol Kidu i tok kalsa bai senis planti taim tasol wok bilong ol pipel i long helpim long givim stia long ol senis.

"Mi bilip tu olsem nogat wan kain luksave bilong ol meri i stap yet olsem bikpela hevi insait long PNG

Yumi bai i no inap tok olsem dispela i hap samting long kalsa nogat.

Mi sanap olsem wanpela meri tasol insait long bikpela opis bilong kantri- nesenel gavman we mi makim 0.9% long olgeta husat i stap insait palamen.

Olgeta taim mi save singaut long dispela samting tasol- long jenda ikwaliti.

Dispela em i samting we kantri i sot long en na mi bilip dispela luksave i ken senisim PNG long kamap mo beta tasol dispela bai i no inap kamap sapos ol pipel i no harim krai bilong ol yut na ol meri," Dame Carol i tok.

Lo bilong Lukautim ol Meri



Adaltri na Entaismen

Lo i tambuim pasin bilong adaltri o emtaismen. Dispela lo i karamapim olgeta man na meri insait long PNG na i givim rot long kotim man na meri husat tupela i mekim rong long adaltri. Lo tu i givim kot pawa long makim kompensesen mani i go inap long K1000 long kotim man o meri long adaltri na K500 long emtaismen. Lo i mekim em isi long tupela marit long stretim sindaun na stap wantaim gen, long wanem i nogat kalabus long dispela rong. Kalabus bai kamap sapos man o meri i sakim oda bilong kot.

Moa long neks wik...

Sotpela Tok Lukaut Skulim tok long Sik Kensa

Lampektomi (Lumpectomy) em i wanpela oparesen we ol dokta bai rausim solap insait long susu wantaim ol tisu arere long en.

Segmentekomi (Segmentectomy) i wan kain olsem lampektomi tasol em i oparesen we ol dokta bai rausim ol tisu bilong susu tasol.

Masektomi (Mastectomy) em oparesen we ol dokta i save rausim olgeta susu bilong yu. Long sampela meri, dispela kain oparesen i mo beta long ol arapela. Wantaim olgeta dispela oparesen, dokta i ken rausim tu sampela glens aninit long han bilong yu.

Moa long neks wik...

Raun lukim ol meri na Pikinini



MERI TASOL: Ol meri go pas long soim stail bilong ol long danis.

SLEKIM BUN: Ol lapun tu i save long danis na taim long selebresen i save lukim ol man na meri mekim kain kain stail.



HAP WOK: Ol meri redi long go long gaden wantaim wara na bus naip bilong ol.



LOTU PINIS: Ol meri na pikinini i bung ausait long haus lotu bilong ol long Kiunga.

Developmen lukautim rait bilong ol meri

Noreen Dada i raitim

DIVELOPMEN i kamap insait wok long helpim ol meri luksave long ol rait bilong ol tasol moa wok i stap long mekim.

Dispela tok i kam long Ledi Hilian Los bilong Individuel na Komyuniti Rait Edvokasi Foram (ICRAF) insait Pot Mosbi taim em i toktok long wok bilong non gavman ogenaisesen long stretim dispela hevi.

Ledi Los i tokim Wantok Niuspepa dispela wik olsem i gat ol bikpela namba bilong ol meri husat i bungim domestic vailens insait long haus bilong ol tasol wanpela mas luk-

luk long bikpela wok i stap yet long mekim.

"Mj tok i gat developmen insait dispela eria long aweanes long domestik vailens bikos moa meri nau i wok long ripotim hevi bilong ol long ol atoriti olsem mipela.

Wanem samting yumi mas gat nau em rait na nau taim infomesen long lukim sapos dispela hevi i bikpela tru o nogat.

Seve we Lo Ripom Komisen i mekim long yia 1983 i gutpela we i yusim olgeta provins insait long kantri long painim aut infomesen long dispela hevi.

Yumi mas karim aut seve yusim olgeta provins long go het long painim ol rot long

stretim dispela hevi na mi laik tok olsem wok long mekim dispela i stat long kamap.

Tasol ol arapela lain i mas noken ting em wok bilong foapela o faivpela NGO tasol nogat- em i wok bilong yumi olgeta insait dispela netwok long wok bung wantaim," Ledi Los i tok.

Bikpela wok bilong ICRAF em long helpim komyuniti long kirapim ol woksop we i lukluk long promotim humen rait, strongim wok long senisim ol lo we ol i ting i mas senis na long kirapim sans bilong pablik long autim tingting bilong ol long ol hevi we i mekim sindaun bilong ol i bagarap.

Pope Benedict tingim nun husat i dai

Stori i kam long Zenit News

POPE Benedict XVI i autim amamas bilong em long wok wanpela wok meri bilong sios long Italy i mekim taim em i pogivim ol man husat i kilim na lusim em long dai insait Somalia long Afrika.

Sister Leonella Sgorbati i bin misinari husat i wok wantaim haus sik insait Somalia bik siti bilong Mogadishu bipo tupela man i sutim em dai wantaim gan long wik i go pinis.

Pope Benedict i tok sampela pipel i save gat askim long givim bikpela testimoni bilong blut long mekim wok bilong Kraist na dispela i kamap long

leit Sr. Sgorbati husat i dai long han bilong vailens.

"Dispela nun husat long planti yia i sevim ol lain trangu na ol pikinini bilong Somalia i pogivim ol husat i sutim em.

Dispela em i trupela pasin bilong Kristen, wanpela bel isi mak we i soim olsem win bilong bikpela laik i karamapim pasin long givim bagarap long arapela," Pope Benedict i tokaut long pipel husat i bung ausait sama haus bilong en long saut bilong Rom. "Bihainim wok bilong Kraist em hat tasol laik em i tok, wanpela husat i lusim laip bilong em long autim gutnius bai sevim laip bilong em," Pope i go het long tok.



ABR Ben pairapim mambu daun anda

WANPELA nupela kain musik wantaim stail bilong Bogenvil yet i bin bruk i go insait long Australia maket long Independens wiken bilong PNG. Dispela grup em Otonomes Bogenvil Mambu Ben bilong Pot Mosbi.

Ben i bin go long Australia long pilai na danis bihainim askim i kam long PNG komyuniti long Australia long makim namba 31 kris-mas bilong independens bilong kantri we Konsal Jeneral bilong PNG, Paul Nerau yet i bin askim ol long go daun.

Otonomes Bogenvil Mambu Ben (ABBB) husat i bin lusim bipo nem bilong ol Buka Mambu Ben i bin kam bek long PNG na ol i amamas tru long tua bilong ol long Brisben na Kens (Cairns). Ol i bin pilai na danis long Griffith University, PNG Konsula Opis, Kwinslen Pafoming Ats Senta (QPAC), Islander Motel long Kens na long Botanikel Gadens.

"Ol pipel long wan wan long ol ples mipela i pilai na danis long en i bin amamas tru long musik na danis bilong mipela," Hubert Sareke i tok. "Ol wantok bilong yumi i bin kam long kain kain hap long Australia na ol i bung wantaim ol Kwinslen pipel na turis long lukim mipela. Em i bin gut-pela PNG na Bogenvil stail stret."

Hubert em i siaman bilong ben we planti long ol em ol Bogenvil yut memba i stap long Pot Mosbi. Ol i bin kisim planti askim pinis insait long Mosbi siti yet long danis long ol bikpela bung, ol gavman progrem, praivet pati, ol sios progrem na ol arapela komyuniti bung.

Stori bilong ABBB

Ben i bin kirap bihainim bikpela laik bilong mambu ben musik insait long Pot Mosbi we nau i gat tripela Bogenvil mambu ben i stap. Ol i bin kamap long resim mani bilong wanpela nupela sios hauslotu long ples Hahalis long Buka ailan. Dispela ben i bin stap aninit long lukaut bilong bosmeri bilong Jack en Jill Priskul, Misis Cecilia Kenevi.

"Raun bilong mipela i go long Australia i kisim planti gutpela luksave long kain musik bilong mipela we i no ailans regei o wanem ol arapela kain musik bilong Pasifik," Hubert i tok. "Planti ol turis husat i bin kam lukim mipela i tok olsem ol i bin go pinis long planti hap olsem Yurop, Afrika na Karibien na ol i lukim planti musik festival na konset, tasol ol i no harim kain pairap bilong mambu."

Em i tok planti turis i bin ai op tru long kain kain pairap bilong mambu bihainim ol singsing.

Nerau yet i bin kam malolo long PNG long stat bilong dispela yia taim em i bin go long wanpela bikpela bung we ABBB i bin pilai i stap. Em i bin laikim tru musik na danis bilong ol na em i bukim ol long go pilai long Brisben long Independens. Bihain, em i bin painim ol sponsa long karim ben i go daun long Australia.

Hubert yet bai no inap tokaut, tasol klostu tru bai raun bilong ol i abrus bikos ol i bin sot long mani insait long benk akaun bilong ben we i klostu no inap long baim rot bilong 22 ben memba long go long Brisben na lukautim ol yet.

Maski em i bin hariap tru long stretim ol visa na paspot bilong ben, em i bin wari yet long mani bilong ol long lukautim sindaun bilong ol.

"Mipela bai no inap long mekim dispela tua sapos mipela i no bin kisim halivim bilong John Wild, Sief Eksekutiv Opisa bilong Airlines PNG husat i bin halivim ron bilong mipela i go long Cairns. Dispela man em i wanpela gutpela man tru husat i gat bikpela bilip long promotim kalsa na musik bilong mipela long Australia," Hubert i tok. "Mipela i gat bikpela tok tenkyu tru long Airlines PNG husat i sapotim mipela wantaim wanpela pekej we manimak bilong en i winim K30,000 long karim mipela, ol musik instramen na bilas bilong mipela i go long Cairns. Mipela i bin kisim sapot bilong memba bilong Not Bogenvil, James Togel tu na sapot i kam long Pangtel PNG."

Sampela yia i go pinis Nesenel Kalsarel Komisin i bin givim luksave long wanpela arapela mambu ben bilong Bogenvil long go pilai long Australia. I no long bihain Mangrove Studios bilong New Caledonia, Hanpan Mambu ben i bin raun i go long Cairns aninit long wanpela kalsarel progrem we i lukim sampela PNG kalsarel grup i bin pilai tu.

Tasol dispela yia em i namba wan taim wanpela mambu ben i go daun long wanpela bikpela Australia siti wantaim 8-pela danismanmeri, 5-pela manmeri bilong singsing na wanpela mambu flut pilala, we planti long ol em namba wan taim bilong ol long raun i go ovasis.

"Yes, mi ken tok olsem Hanpan Mambu ben i bin namba wan grup long karim mambu ben musik i go ausait long kantri, tasol ABBB husat i mekim

bikpela awenes namel long ol Australia komyuniti wantaim old anis na singsing bilong ol, ol TV wok, redio intaviu na makim moa long ol kalsa musik bilong Bogenvil," Hubert i tok. "Tasol wanem ol samting mipela i mekim i strongim wok Hanpan ben i mekim."

Ben i bin raun i go long Cairns long namba 12 de bilong mun Septemba aninit long Airlines PNG pekej. Ron long Cairns i go long Brisben na i kam bek em PNG komyuniti yet aninit long lukaut bilong Flora Ponderelei i bin stretim.

Ol konset long Brisben i bin stat long 14 Septemba we ol i pilai long Griffith Yunivesiti. Ben i muv i go long Brisben Mall we ol i kirapim skin bilong ol pipel long hap. Long nait, ol i danis long namba 7 plua opis bilong Konsula long opisel Independens kokteil kaikai bilong ol bikmanmeri.

Long independens moning, Sarere 16, ol i go bek ausait na pilai long 4-pela ples long Queensland Performing Arts Centre.

Long nait bilong independens de, ben i pilai long wanpela spesol progrem we ol PNG sumatin long Brisben i stretim long Islander Motel. Planti long ol sumatin i bin belwari tru taim ol singsing i mekim ol i tingim ples.

ABBB em i namba tu musik o kalsa grup bilong PNG long pilai long QPAC. Namba wan grup i bin ol graun man bilong Asaroka. ABBB i bin kirapim bikpela laik tru.

Hubert yet em i wanpela gret 4 majistret long Pot Mosbi na em i bin menesim ben na em i bung wantaim meri bilong em Alice long singsing long bent u.

Ol danis na singsing i bin kam gut tru na ol pipel bilong Brisben i bin amamas tru long lukim sampela long ol i tokim ol ben memba olsem ol i mas karim musik bilong ol i go long Yurop we ol i ken mekim bikpela mani moa bikos ol lain long hap i hangere long ol kain kain nupela musik.

Dispela rot nau ating bai go het bikos ol sumatin long Griffith University yet i bin sutim wanpela vidio progrem long old anis na singsing bilong ABBB. Griffith University, QPAC na Brisbane Siti Kaunsil yet i bin go pas long ol pilai bilong ben long Brisben siti.

"I bin i gat planti ol arapela sapota husat i bin gat laik long givim mani long lukim mipela i go bek long Australia long ol mun i kam. Mickie Sellton, produsa dairekta na menesa bilong Conscious Music Production, Ivens Plena



MIPELA YA: Ol angelo bilong ABBB i sanap kisim poto long Brisbane, Australia.



SOIM ROT: ABBB i kisim planti tok amamas long ol pipel bilong Cairns na Brisbane olsem ol i mas karim musik bilong ol i go long Yurop.

bilong Cairns Festival na Ivens i bin askim mipela long stap insait long regei festival neks yia na olgeta yet i redi long painim ol sponsa."

Mista Nerau i tokim ABBB olsem ol yet i mas skelim tingting long go bek long Cairns na Brisbane long Septemba neks yia we bai i gat sans long pulim raun bilong ol i go long Sydney na Canberra.

Ol singsing bilong ABBB i lukim ol sampela bikpela singsing we Philip Kiha bilong Hanpan mambu ben yet na ol arapela singsing bilong ABBB yet olsem Tson Mammam ni Bougainville (ol lida bilong Bogenvil) wanpela yuniti singsing i tok sore long sindaun bilong Bogenvil, Pisis (banis pasim rot i go bek long Bogenvil ailan) na Kabul, wanpela singsing wanpela skul tisa bilong Katrets ailan Paul Pasbon i raitim.


Paul yet nau em i kamap olsem opisel man bilong raitim singsing na komposa na em i raitim 10-pela singsing pinis we ABBB i



GIVIM STRET: ABBB i danis na singsing wantaim long Brisbane.

wok long lainim i stap na i no long taim bai ol i autim. Siaman Hubert i tok em i kisim olgeta stia tok na askim na long ol mun i kam bai ol i skelim strong bilong ben long pilaim ol dispela nupela samting.

Yu ken ridim ol stori bilong Musik olgeta Mande insait tasol long The National



YUMIFM Redio Program

Program bilong Wanwan De - Mande - Fraide

6am - 10am - Sankamap show - Host: Kas.T
 6:15am - Komuniti Notis Bod
 6:30am - Nius Hettains / Bondel grittings
STOP & SHOP GES FAIA KOMPETISEN
 6:45am - Niuspepa Hettains
 7:00am - Major Nius Bulletin - YUMIFM Nius Senta
 7:15am - Powerhaus Hit prediksen
 7:30am - STOP & SHOP GES FAIA KOMPETISEN
 8:00am - Major Nius Bulletin - YUMIFM Nius Senta
 8:15am - YUMIFM Bisnis / Market Ripot
 8:30am - STOP & SHOP GES FAIA KOMPETISEN
 9:00am - Nius Bulletin - YUMIFM Nius Senta
 9:15am - Luksave long Komuniti (Redio Pilai)
 9:30am - STOP & SHOP GES FAIA KOMPETISEN
 9:45am - YUMI PAINIM WOK Segment
 10:00am - Nius - YUMIFM Nius Senta
 10am - 2pm - Monin Trek na Belo Pack -
 10:10am - Lukatim yu yet - Helt toktok - RH Hyper Mart
 10:15am - Powerhaus Hit Prediksen
 10:45am - YUMI PAINIM WOK Segment
 11:00am - Nius - YUMIFM Nius Senta
 11:10am - Cont'd - Lukatim yu yet - Helt toktok
 11:30am - Nius Hettains b'long Belo Taim
 12:00pm - Major Nius Bulletin - YUMIFM Nius Senta
 12:10pm - ESI COOK RICE Belo taim Dedikesen
 12:15pm - Komuniti Notis Bod
 12:20pm - cont'd ESI COOK Belo taim dedikesen
 1:00pm - Nius - YUMIFM Nius Senta
 1:10pm - cont'd ESI COOK RICE Belo taim dedikesen
 1:15pm - Powerhaus Hit Prediksen
 2:00pm - Major Nius Bulletin - YUMIFM NIUS SENTA
 2pm - 6pm - Avinun Draiv Taim - Host: UNCLE ET
 2:00pm - 4:00pm (Tundel / Fondei) TOKAUT TOKSTRET
 2:45pm - YUMI PAINIM WOK Segment
 3:00pm - Nius - YUMIFM Nius Senta
 3:10pm - Avinun cruz
 4:00pm - NIUS - YUMIFM Senta
 4:10pm - SAUT B'long UNCLE ET - foapela singsing
 4:30pm - Nius Hettains
 4:45pm - YUMI PANIM WOK Segment
 5:00pm - Nius - YUMIFM Nius Senta
 5:10pm - 6:00pm - FLAME KULCHA (1 hr)
 6:00pm - MAJOR NIUS BULLETIN - YUMIFM NIUS Senta
 6pm - 00am - NAIT BEAT - Host: ANGRA KENNEDY
 6:10pm - 7:00pm Mon kamap sho
 6:15pm - Powerhaus Hit Prediksen
 6:45pm - Komuniti Notis Bod (Toksava wantaim Yaviessie)
 7:00pm - 9:00pm - COCA COLA GARAMUT
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW
 00:00 - Early Monin Taim Cruz (Ol lain brukim tulait So)

Ol wiken entatenmen poto




OL TAIGA MAN:
 Tupela biknem ragbi lig pilaia bilong NRL Benji Marshall na Jamaal Lolesi bilong Wests Tigers i bin kamap long Mosbi las wiken long lukim gren fainoi bilong SP Kap resis long Mosbi.
Poto: Nicky Bernard



STRONG YET: Ol bipo PNG Kumuls pilaia Kera Ngaffkin (lephan) Adrian Lam, Stanley Haru na James Naipao i sindaun lukluk ragbi long PRL taim Wantok i painim ol. Adrian Lam nau i kosa bilong PNG Praim Minista's 13 tim husat bai brukim bun wantaim ol PM's 13 bilong Australia long dispela wiken.
Poto: Nicky Bernard



KLINIM ELA NAMBIS: Ol manmeri i no bin isi long halivim long klinim Ela Nambis long Mosbi long dispela wik. Ol i mekim dispela long makim wol klinap de. Australia Hai Komisn na NCDC i bin go pas long dispela wok.
Poto: Andrew Molen



OKSENIM: I no liklik samting ya. Dispela traipela piksa poto frem bilong ol Kwinslen Maroons husat i bin winim Stet Ov Origin long dispela ya em SP yet i bin oksenim las wiken long bikpela kaikai na presentesen nait bilong SP Kap Resis.
Poto: Nicky Bernard

RADIO AUSTRALIA TOK PISIN PROGRAM HARIM LONG: 101.9 FM

Radio Australia Tok Pisin Program - MANDE

Moning - Nait

6AM Stesen Op - Nius Hettain - Musik na ol intaviu
 6:30AM Nius na Karent Afes
 7AM Stesen Pas
 7PM Stesen Op
 7:01PM Ol Hettain na Program Priviu
 7:15PM Musik na Chit-Chat
 7:30PM Nius na Karent Afes
 8PM Helt
 8:15PM Musik
 8:30PM NIUS
 8:40PM Spots Riplei
 8:55PM Musik
 9PM Stesen Pas

TUNDE

Moning - Nait

6AM Stesen Op - Nius Hettain - Musik na ol intaviu
 6:30AM Nius na Karent Afes
 7AM Stesen Pas
 7PM Stesen Op
 7:01PM Ol Hettain na Program Priviu
 7:15PM Musik na Chit-Chat
 7:30PM Nius na Karent Afes
 8PM Mama Graun
 8:15PM Musik/Spots
 8:30PM NIUS
 8:40PM Helt Riplei
 8:55PM Musik
 9PM Stesen Pas

TRINDE

Moning - Nait

6AM Stesen Op - Nius Hettain - Musik na ol intaviu
 6:30AM Nius na Karent Afes
 7AM Stesen Pas
 7PM Stesen Op
 7:01PM Ol Hettain na Program Priviu
 7:15PM Musik na Chit-Chat
 7:30PM Nius na Karent Afes
 8PM Focus
 8:15PM Musik/Spots
 8:30PM NIUS
 8:40PM Mama Graun Riplei
 8:55PM Musik
 9PM Stesen Pas

FONDE

Moning - Nait

6AM Stesen Op - Nius Hettain - Musik na ol intaviu
 6:30AM Nius na Karent Afes
 7AM Stesen Pas
 7PM Stesen Op
 7:01PM Ol Hettain na Program Priviu
 7:15PM Musik na Chit-Chat
 7:30PM Nius na Karent Afes
 8PM Youth
 8:15PM Musik/Spots
 8:30PM NIUS
 8:40PM Focus Riplei
 8:55PM Musik
 9PM Stesen Pas

FRAIDE

Moning - Nait

6AM Stesen Op - Nius Hettain - Musik na ol intaviu
 6:30AM Nius na Karent Afes
 7AM Stesen Pas
 7PM Stesen Op
 7:01PM Ol Hettain na Program Priviu
 7:15PM Musik na Chit-Chat
 7:30PM Nius na Karent Afes
 8PM Wantok
 8:15PM Musik
 8:30PM NIUS
 8:40PM Youth Riplei
 8:55PM Musik
 9PM Stesen Pas

SARERE

Nait

7PM Stesen op - Ol Nius Hettain/Program Priviu
 7:05PM Musik na Chit Chat
 7:30PM Nius
 7:40PM Wantok
 8PM Lokal Ber
 8:30PM Nius
 8:40PM Musik/Chit Chat
 9PM Stesen Pas

SANDE

Nait

7PM Stesen op - Ol Nius Hettain/Program Priviu
 7:05PM Musik na Chit Chat
 7:30PM Nius
 7:40PM Femili Blong Serah (Radio Plei)
 8PM Lukluk Bek Long Wik
 8:30PM Nius
 8:40PM Musik/Chit Chat
 9PM Stesen Pas

SP WIKLI HIT HIT PARADE YUMIFM

Sarere 30/09/2006

- | | | |
|----|-------------------|---------------------------------|
| 1 | Smile | Nokondi |
| 2 | Hem Stret | Sharzy ft Anslom & Fedyz |
| 3 | Ire Bala | Daville |
| 4 | Tehine Moana | Nahorau |
| 5 | Sia Hai O | Basil Blitz Greg |
| 6 | Buka Meri | Sharzy |
| 7 | Sumi Rere | Lerams of Kagua |
| 8 | Ni alia Gutsomi | Stain Nuts |
| 9 | Rainy Lae | Sharzy ft Anslom, Saba, Hausbol |
| 10 | Tangara Walau | Stain Nuts |
| 11 | Iwalingoto | Junior Insects |
| 12 | Milomilo | Kekene |
| 13 | Telephone | NiUAGE |
| 14 | Ariama | Lerams of Kagua |
| 15 | Raingal | Mistops of DOY Is |
| 16 | Ipa Hupi | Sounds of Hela |
| 17 | KBC | Sparqs |
| 18 | World War II | Psycho Band |
| 19 | Sori Uwaho Namomu | Murphy |
| 20 | Maten Kandiek | Twin hoxs of Kavieng |

TV GAID

FONDE SEPTEMBER 28, 2006

5.29AM STATION OPEN
 5.30AM G JOYCE MEYER
 Religious programme
 6.00AM G TODAY
 9.00AM G MALOLO CLUB
 One week of school holiday specials to keep kids entertained with cartoons Dora the Explorer, What's New Scooby Doo, The Adventures of Skippy, and Pick Your Face.
 11.00AM G CREFFLO DOLLAR
 Religious Program
 11.30AM EMTV PRIME TIME LINE UP
 2.59PM STATION RE-OPEN
KIDS KONA
 3.00PM G LIGHTS, CAMERA, WIGGLES
 3.00PM G HI-5
 4.00PM G Y
 4.30PM G THE SHAK
 4.57PM G EMTV TOK SAVE
 5.00PM G HOT SOURCE
 5.29PM G EMTV NEWS UPDATE
 5.30PM G BERT'S FAMILY FEUD
 6.00PM G NATIONAL EMTV NEWS
 6.30PM G A CURRENT AFFAIR
 6.59PM G NEWS UPDATE IN TOK PISIN

7.00PM G TEMPTATION
 7.30PM G CHM SUPERSOUND
 7.57PM G EMTV TOK SAVE
 8.30AM G SPORT SCENE
 9.30PM M THE FOOTY SHOW GRAND FINAL EDITION - Join Fatty, Sterlo, The Chief and Andrew John as they bring you all the previews of the 2006 grand final game, footy news.
 12midnight G EMTV NEWS REPLAY
 00.30AM EMTV PRIME TIME LINE UP

FRAIDE SEPTEMBER 29, 2006

5.27AM STATION OPEN
 5.30AM G JOYCE MEYER
 Religious programme
 6.00AM G TODAY
 9.00AM G MALOLO CLUB
 11.00AM G CREFFLO DOLLAR
 Religious Program
 11.30AM EMTV PRIME TIME LINE UP
 2.59PM STATION RE-OPEN
KIDS KONA
 3.00PM G THE EGGS
 3.30PM G HI-5
 4.00PM G Y

4.30PM G THE SHAK
 4.57PM G EMTV TOK SAVE
 5.00PM G HOT SOURCE
 5.29PM G EMTV NEWS UPDATE
 5.30PM G BERT'S FAMILY FEUD
 6.00PM G NATIONAL EMTV NEWS
 6.30PM G A CURRENT AFFAIR
 6.59PM G NEWS UPDATE IN TOK PISIN
 7.00PM G TEMPTATION:
 7.30PM G TOK PIKSA
 PNG's news and a current affair
 8.00PM G IN MORESBY TONIGHT
 A new-half-hour magazine program with co-hosts Susan Gegeyo and Daryl Awaita giving you insight of events happening in Port Moresby.
 8.27PM G EMTV TOK SAVE
 8.30PM M THE AFL FOOTY SHOW GRAND FINAL
 Previews of the grand final game.
 11.30PM M WALKER TEXAS RANGER
 00.30AM G EMTV NEWS REPLAY
 1.00AM EMTV PRIME TIME LINE UP

SARERE SEPTEMBER 30, 2006

7.59AM STATION OPEN

8.00AM G PLANET FANTA
 9.30AM G HOT SOURCE
 10.00AM PG SO.FRESH
 11.30AM G AFL GRAND FINAL DAY
 2.30PM G 2006 AFL PREMIERESHIP
 Live telecast of the 2006 AFL Premiereship WEST COAST EAGLES vs. SYDNEY SWANS At the MCG.
 5.30PM G SPEED MACHINE
 6.00PM G AUSTRALIA'S FUNNIEST HOME VIDEO SHOW
 6.30PM G RUGBY LEAGUE
 President's XII game PNG - v Australia Played at the Lloyd Robson Oval in Port Moresby.
 9.27PM G EMTV TOK SAVE
 9.30PM M TWO TWISTED
 In the tradition of Twilight Zone and Alfred Hitchcock comes Two Twisted, a mystery drama series. The twist in the tales will keep you guessing when Two Twisted terrifies and delights viewers.
 series premiere
 10.30PM M CSI NEW YORK
 11.30PM G EMTV NEWS REPLAY
 12midnight EMTV PRIME TIME LINE UP

SANDE OKTOBA 1, 2006

8.29AM STATION OPEN
 8.30AM G BUSINESS SUCCESS
 9.00AM G SUNDAY
 11.00AM G ARRIVE ALIVE CUP GRAND FINAL - High Schoolboys rugby league grand final.
 1.00PM G NRL FOOTY SHOW
 Grand Final Edition - Join Paul Vautin, Peter Sterling, Jim Smith and Matty Johns on The Sunday Footy Show for all the latest news and reviews of the Grand Final
 2.00PM G JERSEY FLEGG GRAND FINAL
 4.00PM G PREMIERE LEAGUE GRAND FINAL
 5.30PM G THE GRAND FINAL PREVIEW
 6.00PM G NATIONAL EMTV NEWS
 6.30PM G THE GRAND FINAL ENTERTAINMENT
 7.00PM G 2006 PREMIERESHIP GRAND FINAL - BRISBANE BRONCOS vs. MELBOURNE STORM At Telstra stadium.
 9.27PM G EMTV TOK SAVE
 9.30PM M CSI MIAMI
 10.30PM G EMTV NEWS REPLAY

Yes olgeta ridas bilong Mosbil Media Expo 2006 bai kamap long Sarere Septemba 30 na Sande Oktoba, 2006 dispela wik...

...Em naul Kam long Holiday Inn, Ball room na amamas wantaim mipela long hap. Mipela bai stap long Booth 18, er.. karim sampela moni i kam tu, Yu, save....

...Bai i gat WANTOK T-siot, laplap na kep long salim na tu bai yu gat sans long winim ol long laki dro sapos yu Bekim Ridasip Seve bilong mipela long hap.

WANTOK BOOTH 18



Yupela bai gat sans long lukim ol planti katun droin bilong katunis bilong WANTOK!

Sapos yu no save lukim atis husat i save droim mipela, yu gat sans long lukim em tu long hap!

KAM TASOL! Em sans bilong yu naul Saree na Sande dispela wik!

Bikpela Media Expo 2006 bai kamap long Holiday Inn, Ball Room dispela wik long Sarere na Sande. Olgeta media, printing na radio bai go pas long dispela expo de. Pils kam na sapotim dispela expo bilong yumi. "Let's Do it PNG!"

Olgeta media grup i go pas long dispela Media Expo 2006, tasol tralpela televisen kampani na wanpela TV netwok tasol hia long PNG EMTV i no kam insait long dispela Expo. Media Kausol i wok long traim plan-

ti taim long singautim ol i kam insait long dispela bikpela bung tasol nogat wanpela bekim bilong ol. Jenerel Menesa bilong EMTV, Glen Armstrong i no bekim email o tok klia olsem em bai no inap tektap long dispela Expo. Em hetstrong tru!

Yumi ritim long pepa olsem ol hetman bilong Polis i wok long sasim ol yet long pasin korapsen. Huafolo i sasim Inguba long stopim 4 milien investigesen insait long Fainens opis. Na Inguba i sasim Huafolo long sas olsem em i disobeim odas na em i sut nating long gan bilong em long Godens. Yumi sindaun na

harim tasol... Husat bai go kalabus pas? Goan, yumi bet!!

Taim bilong Benji Marsall na Jamaal Lolesi bilong West Tigers i kam na SP i hostim wanpela sindaun bilong tupela long Crown Plasa na suruk i go daun long Pondo bar. Mi laik save husat dispela meri i wok long danis olsem kokomo na trausis bilong em i go daun na klostu tru ass bilong em so-aut. Tu meik it wes, wanpela spot ripota bilong wanpela daily niuspepa wok long mekimsave na danis wantaim em i stap. Ol evidens i stap...lukaut!

Wantok tasol.

PAINIM NEM INSAIT

TR V Y S T O R I T U M B U N A L A
S U T P T I T B I L O N G P I K R
R I M I N G L O S T U I P O I N A
S E R A B G H I A D R M A S K I N
G P O Y R E N A T H O L A N I M A
N A S E D A M I L E S H O S T I B
A L O U D I G R O M G I V I M A R
B L U P A K N I K S O N G N B A S
M E K I M O G L E T H E A R T U S
A A L O N I R E E R V D O T A N I
K P L A K O A K A T I M V O P R E
I U R O V U S I M G N I S G N I S
P E N I M S K I N G I L O P O S L
N U I D A R U S E L K A M B A N G
A S G R U R M B A T I R A M P I L
I O G O L O U N G L I P S E R C A
S A L I B I L E V K A N G A L E A

Painim ol dispela toktok bilong kalsa:
GARAMUT KUNDU DANIS SPIA
BANARA SINGSING SAMSAM LIP
TANGET KANGAL PENIM SKIN GRAS
SKET BILAS KAMBANG MALO
LIP MARITA STORI TUMBUNA TIT BILONG PIK
GRAS KUMUL SKIN KAPUL SEL KAMBANG

H A N H A T A W E L
I U W A S K E T N A
B D N I N A
L E A I G I
U L G W T N A
Y N R A G U I U G
A H L P S N
S U S O P G M O
U R L G N A L
S T K I N O U I
U T S B O L S B
E K T L I H A U S G R A S
R O I D A A A
D O R B A N G R
E P P P U H B A N I S B U N G
P O A A I R E
R K Y P Y E H G H O L I B U R K

ANSA BILONG LAS WIK...

6	7	2	8	1	4	3	9	5
3	9	1	7	2	5	6	4	8
8	5	4	6	3	9	2	1	7
7	2	6	4	5	8	1	3	9
5	4	3	2	9	1	7	8	6
9	1	8	3	7	6	5	2	4
2	6	9	1	4	7	8	5	3
1	8	5	9	6	3	4	7	2
4	3	7	5	8	2	9	6	1

Puzzle by websudoku.com

8	9							
			4					6
		4	3	2	7	8		
5			9					
	2		6	7	8			4
					5			2
	8	7	5	4	3			
7				6				
							2	5

Puzzle by websudoku.com

Ol ansa bai kamaut long neks wik so putim was long neks wik pepa!!

EMTV TVGAID

11.00PM G PRAISE	5.29PM G EMTV NEWS UPDATE	Religious programme	8.27PM G EMTV TOK SAVE	4.00PM G Y
12midnight EMTV PRIME TIME LINE UP	5.30PM G BERT'S FAMILY FEUD	6.00AM G TODAY	8.30PM PG SUPER NANNY	4.30PM G THE SHAK
MANDE OKTOBA 2, 2006				
5.27AM STATION OPEN	6:00PM G NATIONAL EMTV NEWS	9.00AM G CREFFLO DOLLAR	9.30PM PG WHAT'S GOOD FOR YOU	4.57PM G EMTV TOK SAVE
5.30AM G JOYCE MEYER	6.30PM G A CURRENT AFFAIR	Religious Program	10.30PM M C.S.I.	5.00PM G HOT SOURCE
Religious programme	6.59PM G NEWS UPDATE IN TOK PISIN	CLASSROOM BROADCAST:	11.30PM G EMTV NEWS REPLAY	5.29PM G EMTV NEWS UPDATE
6.00AM G TODAY	7.00PM G EMPTATION	9.30AM Mathematics - Grade 8	12midnight EMTV PRIME TIME LINE UP	5.30PM G BERT'S FAMILY FEUD
9.00AM G CREFFLO DOLLAR	7.30PM G PRAISE	10.20AM Science - Grade 8	TRINDE OKTOBA 4, 2006	
Religious Program	8.27PM G EMTV TOK SAVE	11:10AM Social Science - Grade 7	5.27AM STATION OPEN	6:00PM G NATIONAL EMTV NEWS
CLASSROOM BROADCAST:	8.30PM PG THE APPRENTICE	12:45PM Personal Development - Grade 6	5.30AM G JOYCE MEYER	6.30PM G A CURRENT AFFAIR
9.30AM Mathematics - Grade 8	The global ratings phenomenon features 18 candidates who each week compete to win a six-figure-salaried job in the corporate company of business mogul and executive producer Donald Trump. It's the ultimate survival of the fittest in the world's toughest corporate jungle! (new series)	1.15PM Making A Living - Grade 7	Religious programme	6.59PM G NEWS UPDATE IN TOK PISIN
10.20AM Science - Grade 8	9.30PM M CSI MIAMI	2.00PM EMTV PRIME TIME LINE UP	6.00AM G ODAY	7.00PM G TEMPTATION
11:10AM Social Science - Grade 7	10.30PM G EMTV NEWS REPLAY	2.59PM STATION RE-OPEN	9.00AM G CREFFLO DOLLAR	7.30KPM G MCLEOD'S DAUGHTERS
12:45PM Personal Development - Grade 6	11.30PM G CHM SUPERSOUND	KIDS KONA	Religious Program	8.29PM G EMTV TOK SAVE
1.15PM Making A Living - Grade 7	12midnight EMTV PRIME TIME LINE UP	3.00PM G BANANAS IN PYJAMAS	CLASSROOM BROADCAST	8.30PM M WEDNESDAY NIGHT MOVIE:
2.30PM EMTV PRIME TIME LINE UP	TUNDE OKTOBA 3, 2006	3.30PM G HI-5	9.30AM Mathematics - Grade 8	SPIDER-MAN (2002) Action/Sci-Fi/Fantasy/Thriller - When bitten by a genetically modified spider, a nerdy high school student gains spider-like abilities which he must eventually use to fight evil as a superhero. Starring: Toby Maguire.
2.59PM STATION RE-OPEN	5.27AM STATION OPEN	4.00PM G Y	10.20AM Science - Grade 8	10.30PM G EMTV NEWS REPLAY
KIDS KONA	5.30AM G JOYCE MEYER	4.30PM G THE SHAK	11:10AM Social Science - Grade 7	11.00PM G SOUTH PACIFIC MUSIC
3.00PM G BANANAS IN PYJAMAS		4.57PM G EMTV TOK SAVE	12:45PM Personal Development - Grade 6	12midnight EMTV PRIME TIME LINE UP
3.30PM G HI-5		5.00PM G HOT SOURCE	1.15PM Making A Living - Grade 7	
4.00PM G Y		5.29PM G EMTV NEWS UPDATE	2.00PM EMTV PRIME TIME LINE UP	
4.30PM G THE SHAK		5.30PM G BERT'S FAMILY FEUD	2.59PM STATION RE-OPEN	
4.57PM G EMTV TOK SAVE		6:00PM G NATIONAL EMTV NEWS	KIDS KONA	
5.00PM G HOT SOURCE		6.30PM G A CURRENT AFFAIR	3.00PM G BANANAS IN PYJAMAS	
		6.59PM G NEWS UPDATE IN TOK PISIN	3.30PM G HI-5	
		7.00PM G TEMPTATION		
		7.30PM G HAUS & HOME		



**PPEN
PREN**

NEM: Jorena Saunga

KRISMAS: 18 (meri)
ADRESS: P.O Box 214 Urumo Kubalia, Wewak
SAVE LAIKIM: Raitim pas, pilai volibol, harim musik, wokim bilum, mekim pani na kukim kaikai.

NEM: Haga Sembo

KRISMAS: 27 (man)
ADRESS: Mumbre Bros, P.O Box 4249, Boroko, NCD
SAVE LAIKIM: Pilai soka, lukim TV na raun raun.

NEM: Lina Wilson

KRISMAS: 18 (meri)
ADRESS: Magarima High School, P.O Box 33, Mendi
SAVE LAIKIM: Pilai basketbo, harim musik, go lotu, mekim pani na danis.

NEM: Elizabeth Paul

KRISMAS: 17 (meri)
ADRESS: Bema High School, PMB, Lae, Morobe Provins
SAVE LAIKIM: Lukim TV, pilai volibol, na mekim pani.

NEM: Glenda Awasa

KRISMAS: 17(meri)
ADRESS: Bema High School, PMB, Bema, Lae, Morobe Provins
SAVE LAIKIM: Pilai basketbol, harim musik na stori.

NEM: Lydwina Buku

KRISMAS: 18 (meri)
ADRESS: Kimbe Secondary School, P.O Box 225, Kimbe
SAVE LAIKIM: Danis, ritim buk, pilai soka, go lotu, mekim pren na go piknik.

NEM: Joe Henry Jordam

KRISMAS: 19 (man)
ADRESS: Magarima High School, P.O Box 23, Mendi
SAVE LAIKIM: Pilai spots, harim musik, raunraun na mekim pani

NEM: Lukman Mohammed

KRISMAS: 26 (meri)
SAVE LAIKIM: Raitim pas, harim musik na raunraun.
ADRESS:

NEM: Emily Wekeni

KRISMAS: 19 (meri)
ADRESS: C/- Passam National High School, P.O Box624, Wewak
SAVE LAIKIM: Ritim buk, raitim pas, go lotu na pilai spots

NEM: Jacinta Murray

KRISMAS: Nil
ADRESS: Mercy Secondary School, P.O Box 580, Wewak, East Sepik provins.
SAVE LAIKIM: Ritim buk, harim musik na go lotu

Sapta 5 - Oda bilong Britis Empaia

Pokep i hapman bilong stori

**OPISA
POKEP, OBE**

TAIM Napikwop na Misis Gawi wantaim ol liklik pikinini bilong tupela i silip pinis, Saiten Pokep, Kopul Gawi na pikinini bilong em Mara ol i go bek long haus bilong Maina. Taim ol i kam bek ol i joinim ol lain i wok long stori. Ol polisman i save olsem Saiten Pokep i save gat ol kain stori bilong planti hap ples. Planti bilong ol i harim pinis ol Kukukuku stori bilong en.

Taim Konstabel Makis i statim stori bilong bikpela sak i save kisim ol man long Nonopai long Nu Ailan, Pokep i statim wanpela em i harim long Kukukuku. Pokep i tok, "Makis, stori bilong yu i wankain olsem dispela mi harim long ol lapun long Raniki. Tasol bilong ol i no sak. Em wanpela welpik bilong kilim man". Makis i save laikim ol stori bilong Pokep olsem na em i askim Pokep long stori. Pokep i smail na i statim stori bilong en. Taim em i statim, Pokep i lus tingting long olgeta samting. Em i stori, "Olgeta man bilong Raniki i porot long welpik na ol i ranawe i go long narapela sait bilong maunten. Wanpela lapun meri tasol na tupela liklik tumbuna bilong en i hait i stap long Raniki. Em tupela twin na tupela i liklik tru. Bikos pupu bilong tupela i no strong moa long wokabout em i karim tupela tumbuna bilong en na ol i go insait long hol bilong wanpela pikus na hait long en. Hol bilong pikus ya i bikpela moa. Long taim bilong de tupela twin i save go antap long pikus na lukluk long olgeta hap. Tupela i ken lukim planti gaden klostu long Raniki tasol i no gat man i wok long ol dispela gaden. Tasol long narapela sait long maunten i gat planti smuk bilong paia long ol gaden".

Mara tu i joinim tupela Pokep na em i laikim tru dispela stori bilong ol Kukukuku. Em i askim, "Na ol i save painim



kaikai bilong ol olsem wanem?" Pokep i kliaim nek bilong en na i tok, "Yu no ken wari long dispela bai mi stori bihain. Harim bai mi kam long ol samting olsem". Pokep i go bek gen long stori bilong lapun meri na tupela twin pikinini tumbuna bilong en, "Tupela twin i save kamdaun na tokim lapun pupu bilong tupela long ol samting na ples tupela i save lukim. Sampela taim long san lapun pupu bilong tupela i save go long bus na painim ol welf yam bilong ol long kaikai. Pupu bilong tupela tu i save bringim mambu na stik na soim tupela long mekim spia. Tupela twin tu i wok long kamap bikpela na strong."

Bihain pupu bilong tupela i soim tupela long sut long spia bilong tupela. Wanpela taim em i bringim wanpela haus bilong anis bai tupela twin i lainim long sutim long banara.

"Ol pipel bilong Raniki i no save long lapun meri na tupela pupu bilong en i laip. Ol i ting welpik i kaikaim tripela pinis na ol i no moa tingting long Raniki. Ol gras na diwai i wok long karamapim ples. Tupela twin tu i no save tumas yet olsem ples bilong tupela yet em long

Raniki na ol pipel i lusim pinis. Taim tupela i strong liklik pupu bilong tupela i soim tupela long mekim bet antap bai ol i save sindaun ausait na kaikai na kisim gut win.

Sampela taim long bikpela san ol tripela i save sindaun long en na lapun meri i stori long tupela hau papa na mama bilong tupela i bin kisim birua long wanpela welpik. Tupela twin i save sofe tru long papa-mama bilong tupela na bel hat nogut long dispela welpik. Wanpela taim tupela i tokim pupu olsem bai tupela i bekim dai bilong papa na mama bilong tupela.

Dispela taim Gawi i lukim ol bik lain i sanap long harim Pokep na i tok, "Pokep yu no ken mauswara bilong Manus tumas. Nogut ol lain i no inap go long slip". Pokep i bekim olsem, "Gawi dispela i nupela stori bilong ol Kukukuku. Yu no harim yet". Bikpela pikinini bilong Gawi i laikim stori bilong Pokep na i tok, "Ankel, yu stori. Tupela twin i bikpela olsem husat?" Pokep i bekim em olsem, "Bikpela bilong tupela olsem yu tasol yu save ol bus pikinini ya, tupela i strong tru". Liklik boi ya i laikim bai Pokep i

stori yet na i tok, "Orait Ankel, yu stori gen. Pupu bilong tupela i tok wanem long tupela?"

Pokep i ken lukim olsem liklik bilong Gawi i gat bikpela laik tru na em go het olsem, "Pupu bilong tupela i tokim tupela olsem tupela i mas lainim sut gut bipo em i ken lusim tupela i go long bikpela bus. Olgeta de tuela i sanap antap long bet tupela i mekim na i tromoi ol spia i go tambolo. Tupela i lainim tu long tromoi spia, ron na hairap go antap long diwai. Pupu bilong tupela i lukim hau tupela i wok long kisim save bilong kilim pik na em i amamaas. anpela de long moning tru ol i lukim wanpela liklik pik i kam klostu long pikus ol i stap long en."

Tupela twin i stap yet antap na sut long spia i go. Pik i kirap nogut na wanpela spia i pas long nek bilong en na narapela long bel. Pik i no mup. Em i pundaun na i dai. Nau tupela twin i ron i go na pulim i go klostu long as bilong pikus.

"Narapela taim gen tupela twin i go long bus na wanpela mama pik wantaim ol pikinini bilong en i ronim tupela. Taim pik i lukim tupela na i ron i go

long tupela, wanpela i kalap antap long wanpela diwai na narapela i go antap long ston. Tupela i kilim mama pik na karim i go long pupu bilong tupela. Ol tripela i save kaikai planti mit moa na lapun meri i les. Em i tok tit bilong en i pen long mit bilong welpik."

Pokep i stori yet na pikinini bilong Gawi i askim em gen long narapela kwesten. "Ankel na dispela masalai welpik i save kilim ol man, i go we?" Pokep i tokim em long stap isi bikos ol dispela hap stori bai i kamap bihain. Ol bikman i harim dispela stori bilong Pokep na ol i tingting. Atng taim Pokep i go sindaun wantaim ol Kukukuku em i save askim ol long stori long em long ol stori bilong bipo. Pokep i gat kain kain stori bilong planti hap bilong Papua Niugini. Long bihainim kwesten bilong boi bilong Gawi, Pokep i go het gen long stori.

"Taim lapun meri i lukim tupela pupu bilong en i sut gut long spia na spit bilong tupela long go antap long diwai, em i tokim tupela long mekim twenty spia, tenpela bilong wanpela na ten bilong narapela. Welf pik tu i save kam long Raniki taim mui i lait long nait. Wanpela moning taim ol tripela i sindaun long bet tupela brata i askim lapun meri i stori long tupela long ples bilong dispela welpik. Pupu bilong tupela i kukim liklik kaikai pinis nau, ol tripela i kaikai na bihain tupela i lusim Pupu bilong tupela long go painim dispela pik masalai.

Tupela i no toktok taim tupela i wok long mup long olgeta hap. Tupela i wokabout wokabout inap tupela i kamap long hap ya pupu bilong tupela i tokim tupela long en. Oloman! Tupela i laik lukluk i go daun klostu long wanpela lain saksak, tupela i lukim traipela wait-pela pik i wok long brukim ol yangpela saksak long tit bilong en. tupela tit bilong en long fran i longpela na kurukut na tupela ia bilong en olsem ol plet bilong kaikai.

Neks wik: Stori bilong welf pik i swit moa...

Narapela man i paulim mi

Dia Laiplain,

MI MARITIM wanpela man husat i winim mi long planti krismas. Tasol insait long 6 pela krismas mitupela i marit, sindaun bilong mitupela i gutpela tru. Mi save stap amamas, nogat hevi long mani o wanem samting na olgeta samting mi laikim mi gat.

Nau mi wari bikos taim man bilong mi i go aut long fil wok longwe long ples, mi painim narapela man na mitupela kamap pren na slip wantaim.

Nupela pren bilong mi i wanpela yangpela na stail man na mitupela i laikim tru mipela yet. Na tu, yangpela man ya i stap wantaim mi long haus. Stat long taim man bilong mi i lusim mi long go aut long fil wok, mi wantaim pren ya i wok long slip wantaim.

Mi no save wanem samting bai kamap sapos man bilong mi i kam bek na painim aut olsem mi wok long mekim dispela pasin.


Dispela yangpela man i no wok tasol em i save dring na smuk planti. Pren ya i laikim mi long go wantaim em long narapela provins tasol mi no laik lusim wok bilong mi bikos mi save sapotim famili bilong mi tu.

Mi no klia bai mi go wantaim em o nogat?
- Sindaun long banis

Dia Pren,

Em i klia olsem marit laip na sindaun bilong yu bin gutpela tasol yu laikim gen yangpela man na dispela i mekim yu i no klia long husat tru bai yu stap pas wantaim.

Planti taim bai yumi lukim olsem wan wan marit laip i go gut na i no bungim hevi. Tasol em i kisim taim, hat wok, luk-



save (tras) long marit laip i stap gut.

Inap yu glasim na kliaim tingting bilong yu long wanem samting tru i mekim na dispela hevi kamap? Yu klia olsem marit laip bilong yutupela em gutpela, strongpela na yutupela i stap amamas na yu no sot long wanpela samting.

Yangpela man ya i no paulim tingting bilong yu wantaim pasin bilong pren wantaim bikos em i yangpela?

Mipela i luksave olsem yu paul bikos yu gat laik long tupela man wantaim. I no yu wan bungim dispela kain hevi bikos mipela i tokim yu,

planti moa pipel i stap long dispela kain hevi.

I tru long laip pipel i save gat laik long arapela taim ol i gat man o meri bilong ol yet i stap.

Tasol yu mas skelim. Olsem wanpela bikpela man o meri yu mas luksave taim yu mekim ol bikpela disisen long noken larim tasol ol pilings bilong yu i bosim yu. Olgeta taim yu tingim pasin long skelim gut ol samting.

Man bilong yu save lukautim yu gut, mekim yu amamas na em wok. Em i bikpela man we em i tingting long yu.

Yu ting yangpela man ya inap long lukautim na givim yu ol samting olsem man tru bilong yu i wokim o i mo beta yu lus tingting long em.

Tu tok em i save dring na smok planti. Yu ting olsem wanem, sapos yu lusim wok bilong yu na stap wantaim em em bai laikim yu yet taim yu

nogat mani long baim smok na bia bilong em?

Laiplain i no inap long mekim ol disisen bilong yu long wanem rot yu bai bihainim. Tasol mipela i ting yu yet bai skelim na glasim gut ol samting bipo yu kamap wantaim disisen bilong yu. Atng yu bai painim isi moa sapos yu toktok wantaim wanpela gutpela poro bilong yu husat yu ting i ken helpim yu.

Laiplain.

Sapos yu gat wari, rait i kam long Lifeline, P O Box 6047, Boroko, NCD. Telipon:3260011. Raitim trupela nem na etres bilong yu na bai mipela i ken sallim bekim long pas bilong yu. Bai mipela i no inap putim trupela nem bilong yu long atikel.

Laiplain



Luksave long agrikalsa expot bisnis



BUNGIM SALENS: Suwele Mounawa i sanap holim ol yam em i gat bikpela tingting tru long ekspotim o salim i go ovasis. *Poto: NARI*

GAVMAN i mas givim moa luksave long ol as ples Papua Niugini manmeri long mekim wok agrikalsa ekspot bisnis.

Wanpela Milen Be bisniseri, Suwele Mounawa i tok i gat bikpela strong long ekspot o salim ol yam na ol arapela as ples kaikai i stap insait long ol bus ples i go aut long kantri. Tasol ol as ples bisnis na ekspota i wok long bungim ol hevi olsem i nogat gutpela trenspot o ples bilong holim ol dispela kaikai, nogat inap mani na ol risos.

Mis Mounawa em bilong Fergusen Allan insait long Esa'ala distrik. Em i Menesing Dairekta bilong Milne Bay Islands Produce Ltd, wanpela kampani husat i save ekspotim ol agrikalsa na solwara kaikai, mekim wok ogenik faming na prosesing. Em i bin sanapim Edoni Timber Exports Company tu long katim, prosesim na ekspotim ol timba prodak samting.

Dispela mama bilong 5-pela pikinini i tok ol arapela liklik bisniseri na plesmanmeri olsem em i wok long kisim taim wantaim ekspot bisnis bilong ol long sait bilong mani sapot, i nogat gutpela trenspot na ples bilong putim kaikai. Em

i tok planti manemri i laik sanapim ol agrikalsa kaikai ekspot bisnis tasol ol i nidim gutela teknikal stia na helpim i kam long gavman.

"Long sait bilong mi, mi save baim planti yam i kam long ol ples manmeri insait long Milen Be provins tasol hevi mi bungim em mi no inap long karim ol dispela yam i go long wanpela namel hap olsem Alotau taun. Na insait long taun yet, mi nogat ples bilong putim ol yam bipo long mi salim i go long ol arapela senta o long ovasis," Mis Mounawa i tok. "Mi gat ol plen bilong sanapim ol bak stua, strongim trenspot sistem na groim netwok bilong ol saplaia bilong kaikai bilong mi, tasol mi nogat inap mani long mekim dispela wok. Mi laikim gavman long halivim mi long kisim dona halivim bilong projek bilong mi."

Dispela tru-tru bisniseri i bin stretim wanpela kago yam i go long wanpela ples insait long Sentral provins tupela yia i go pinis we i bin kamap gut tru. Ol arapela baia em ol maining kampani na ol lain bilong ovasis i putim oda pinis tasol em i no inap long kisim inap. Wanpela baia long Siapan i laikim wanpela konte-

na yam olgeta mun.

Em i bin go lukim sampela gavman ejensi pinis long kisim stia na halivim, tasol nogat wanpela long ol i laik halivim em. Long soim klia komitmen bilong en long dispela ekspot bisnis, Mis Mounawa i bin askim ol provinsel lida na gavman opisel long lukim lonsim bilong projek bilong em long stat bilong mun Ogas.

"Olsem na mi singaut long olgeta gavman ejensi, na Milen Be Provinsel Etnimistresen, Dipatmen bilong Agrikalsa na Laipstok, Rural Developmen Benk na ol arapela long skelim ol askim bilong mi na givim mi sans long mekim dispela wok."

Em i tok em i hatwok tru tasol em i redi long bungim dispela salens na bai go het yet long train kisim moa halivim i kam long gavman. Em i bikpela tingting bilong em long kamap wanpela rol modol bilong ol arapela meri na ol lain bilong bihain taim.

"Long stretim ol nid na developmen bilong ol meri, mipela i mas lainim na kisim ol nupela save na lukluk moa long ol praktikel nid long komyuniti level. Mi laik kamap wanpela rol modol bilong ol arapela meri na yangpela insait long provins na kantri."

Nestle lukluk long ol as ples kaikai

Joel Warambol na Seniori Anzu i raitim

WANPELA kampani i save mekim ol kain kain kaikai prodak insait long Morobe provins nau i lukluk strong long yusim ol as ples kaikai insait long bisnis bilong en.

Nestle (PNG) i laik yusim plaua ol i mekim long ol rop kaikai ol kumu, nat na wit samting we ol i save groim yet insait long kantri long go insait long ol samting ol i save mekim olsem nudels, ol krekka biskit, sneks na ol arapela samting.

Dispela toksave i bin kamaut bihain long Nesenel Agrikalsa Risets Institut (NARI) i bin go raun lukim Lae faktori bilong en long stat bilong dispela mun long painim rot bilong wok bung wantaim. Raun bilong NARI

em long paitim toktok long wok bilong prosesim o stretim kaikai na developmen bilong ol prodak wantaim ol as ples kaikai na sanapim wok bung wantaim bai NARI i ken wok wantaim industri long stretim ol risets na developmen isiu long taim bilong prosesim na developim ol kaikai.

Nestle yet i tokaut olsem i gat rot bilong mekim ol sips, krisps na loli kaikai long ol kaikai mipela i groim yet long hia olsem ol kumu kaikai olsem kerot samting.


Ol kaikai dispela intansenel kaikai produsa i wok long lukluk long kisim em ol as ples kaikai i gat plaua na stas insait long ol. Nau yet planti long ol plaua na stas em i save yusim i save kam long ovasis.

Nau taim dispela nupela wok bung i kirap, ol bai

senisim ol dispela ausait kaikai wantaim ol as ples kaikai ol liklik fama yet i groim bai ol i helpim tu ol fama industri insait long PNG.

Nestle yet i tok olsem maski ol pres rop kaikai olsem kaukau i ken givim plaua, ol i mas prosesim yet i go inap em i kamap drai plaua bipo long ol i ken yusim. Wankain tasol ol arapela ro matriel i nidim prosesim em taro (bilong kisim drai stas) na saksak (long kisim drai paura).

Tupela ogenaisesen wantaim i tok wanbel long wok bung wantaim. Wok bung bilong tupela bai karamapim tu wok risets, trening na yusim na serim ol risos, save na infomesen. NARI i kamapim pinis wanpela lista i soim ol prodak ol i ken mekim wantaim ol kain kain as ples kaikai i stap tude.



AS PLES KAIKAI: Deputi Praim Minista Hon Don Polye i lukluk long sampela kaikai prodak ol i mekim long as ples kaikai long NARI Open De long Lae.



OCEAN BLUE SARDINES OIL na TOMATO SAUCE...

TRUPELA ABUS!!





Bisnis bilong Groim Diwai insait long PNG - Planim diwai long ol renfores eria

Rot bilong groim ol spisis diwai i save groa insait long PNG

Santalum Macgregorii

Nem bilong en: Sandalwood

Bisnis nem bilong en: Sandalwood, PNG

Wanem kain diwai: Liklik i go namel sais diwai, em i save gro tasol em i no save abrusim 15 mita na bikpela bun bilong en i save gro inap 25 sentimita raunim; sotpela bun bilong en, het bilong en i sap na ol lip bilong en i lait grin.



Lip na flaua bilong Sandalwood

Skin diwai: 8mm bikpela skin diwai bilong en. Ausait skin diwai i dak gre braun, i gat planti makmak; namel skin diwai i ret; insait skin diwai i ret i go yelo na i gat liklik rop insait long en.

Diwai bilong en: Kala bilong en i lait yelo, namel bilong en i yelo braun; em i strongpela na i hevi liklik. Em i gat strongpela smel bilong en na ol i save yusim bilong mekim pefium na insens.



Flaua bilong Sandalwood

Ol lip: Lip bilong en, i raun liklik na nus bilong em i no sap turnas. As bilong em i save go liklik. Antap bilong en i lait grin na i smut. Aninit bilong en i blu grin na i rap liklik.

Ol plaua bilong en: Ol plaua bilong en i liklik inap long 6mm na i gat 4-pela lip bilong en. Kala bilong en i yelo grin i go ret.



Diwai bilong Sandalwood

Prut bilong en: Wanpela liklik (8mm longpela) prut i gat planti wara long en na i save tanim i go blu na bilak taim em i mau.

Arapela stori: Santalum em i wanpela bikpela jenus bilong famili SANTALACEAE insait long Papua Niugini. Famili bilong en i bihainim SANTALALES.

MCCARTHY & ASSOCIATES (FORESTRY) PTY. LTD.
National & International Forest Consultants
mccaf@datec.net.pg

"Long kisim tok stia long olgeta wok diwai"

K1.1 bilien bai kam long turisim

Noreen Dada i raitim

TURISIM Industri insait long kantri i lukluk long mekim samting olsem K1.1 bilien bilong kantri insait long 5-pela yia i kam.

Dispela em toktok bilong Indipenden Konsuma na Kompetisen Komisen (Independent Consumer and Competition Commission o ICC) Komisina Thomas Abe taim em i lonsim PNG Turisim Sekta Riviu na Masta Plen (2007-2017) ol i kolim 'Groim PNG Turisim olsem Sastenabol Industri' ripot las wik Fraide.

Mista Abe i go het long tok dispela gro insait long turisim sekta bai helpim long kamapim wok inap long 4800 pipel long yia 2010 na 13,000 wok bilong pipel long pinis long yia 2015.

"Bikpela wok bilong PNG em long apim namba bilong ol turis i kam insait long kantri tupela moa taim long olgeta faipela yia. Tu long kamapim ol rot long promotim sastenabol gro bilong turisim long helpim komyniti na envoirnmen sait bilong olgeta pipel bilong PNG.

"Long winim dispela kain ol tingting, i mas gat strongpela wokbung wantaim namel long gavman, turisim industri na pipel bilong PNG," Mista Abe i tok.

Sief Eksekutiv Opisa bilong PNG Turisim Promosen Atoriti (PNGTPA), Peter Vincent i tok ripot i lukluk long painim klia eksen plen long helpim PNG long winim ol driman ol i gat long turisim industri.

"Kirapim o ronim ol maketing wok long promotim ol ples insait PNG, makim ol maus man insait ol ki eria olsem Australia, Siapan, Amerika na Yurop, ronim ol etve-taising na kempen bilong industri em ol bikpela eria we PNGTPA i luksave long en. Narapela bikpela samting we ripot i tok aut long en em askim long givim tren-



Foto: Andrew Molten

TURISIM I GAT STRONG: Turisim i ken mekim bikpela mani bilong kantri. Ol bikpela provinsel so olsem Hiri Moale i ken pulim planti moa turis i kam lukluk raun igasait long kantri bilong yumi.

ing long ol lain insait long turisim sekta.

"Ol pipel bilong kantri i ol lain husat i go pas long salim PNG na i gat bikpela askim long ol i gat dispela luksave long wok ol i mas mekim long promotim piksa bilong PNG olsem kantri we i spesel long ol kain kain samting," Mista Vincent i tok.

Long dispela taim sikspela ten pesen (60%) bilong ol pipel husat i save kam long PNG em ol lain long ol arapela kantri husat i kam long wokim bisnis na foapela ten pesen (40%) em ol turis husat i kam long lukim kain kain ples insait long kantri.

PNGTPA i lukluk long stretim

dispela namba we namba bilong tupela kain turis i wan kain.

Mista Abe i tok sapos gavman i laik karim aut ol tingting bilong dispela ripot mani mak long kirapim ol bai sanap long K15 milien long neks tripela yia na long dispela kamap, Mista Abe i tok i mas gat helpim long gavman na tu long ol praivet na publik sekta ejensi.

Long wan kain taim Mista Vincent i tok amamas long Komenwelt Fan long givim mani helpim long kirapim risets long raitim dispela riot we em i tok i makim namba wan taim kain helpim i kam long PNGTPA long ol dona ejensi.



Rugged, dependable Cat components carefully matched to most efficiently get maximum rimpull to the ground and full power to the loader hydraulics.

The 928Gz delivers fast response and aggressive performance, even in tough applications. The Caterpillar power train makes it possible, featuring a Cat 3056E DIT ATAAC diesel engine and power shift transmission precision-matched to a Cat torque converter and rugged axles. The power train is carefully tested and balanced to provide optimum performance in all operating conditions.

Hastings Deering



PORT MORESBY
Spring Garden Road, Hohola, PNG
Ph: (675) 300 8300 - Fax: (675) 325 0141

	PHONE	FAX
LAE	472 2355	472 1477
TABUBIL	548 9162	548 9155
RABAUL	982 1244	982 1129
LHIR	986 4105	986 4107
KIMBE	983 5144	983 5144

Product People Commitment.
We deliver.



Lukluk bek long Independens De 2006 Toktok bilong Rt Hon Sir Mekere Morauta long

Ethics Simposium we i bin kamap long Divine Word University long namba 1 de bilong mun Septemba 2006

"Strepela pasin (Ethics) na Dvelopmen: Ol Straksa na Sistem bilong Gupela wok Gavanens"

Developmen o gupela gavman i no inap kamap long tingting nating

Ol sans long gupela wok gavman i ken strong moa sapos olgeta lida i gat gupela tingting na strepela pasin na ol i gat gupela bel. Tasol ol dispela pasin bilong wan wan long ol, em ol yet i no inap long kirapim senis insait long gupela wok gavanens o developmen. I mas i gat ol arapela samting i mas i stap.

Wanpela long ol dispela samting em Politikol Stabiliti o strongpela sindaun bilong politikol. Narapela samting we i mas i stap em ol strongpela na gupela opis bilong gavman, ol institusen o opis we ol i kamapim long promotim o strongim tingting bilong gupela wok gavanens insait long wok bilong ol we i mas i gat - akauntabiliti o luksave long karim hevi bilong wok, transparensi o klia wok pasin, na save long wanem kain kaikai bai kamap long wok. Narapela samting i mas i stap em wanpela sivil sosaiti we i klia long olgeta samting i kamap, we ol manmeri i go pas long en i klia gut long ol isiu, i ken autim tingting na halvim long painim ol rot bilong stretim ol bikpela hevi. Ol sios, yunivesiti, midia, bisnis, ol non gavman ogenaisesen na ol komyuniti grup i gat wok long mekim.

Ol lida i mas gat gupela bel bilong skelim pasin, tasol ol i mas redi long mekim ol bikpela disisen we sampela taim bai ol arapela i no wanbel long en. Ol lida i mas redi long stretim ol hevi taim ol i kamap; ol i mas redi long mekim senis long daunim sans long ol dispela hevi long kamap gen.

Lukluk bek long sindaun bilong yumi

Ol lida i nidim wanem kain ol sapot tru? Ol rot bilong givim dispela sapot nau i stap i wok gut tu o nogat?

Olsem wanpela kantri, yumi gat tripela ten wan (31) krismas save long lukautim yumi yet. Namba bilong ol pipel bilong yumi i liklik na i gat planti tausen pisin, kalsa na tokples - mipela i makim wan kwota bilong olgeta tokples long wol. Mak bilong save long rit na rait i stap daun bilo tru. Komunikesen i no strong bikos planti ples bilong mipela i stap long bikbus. Jiograpi o graun bilong yumi na pasin bilong ol pipel bilong yumi long bruk na stap longwe i mekim kos bilong trenspot komunikesen na givim bilong ol sevis i dia moa insait long wol.

Long sait bilong politikol, mipela yet i no klia tumas long en. Las ileksen i lukim tri tausen (3000) kendidit i resis. Moa long wan tet bilong ol i sanap olsem ol independen, na olgeta arapela i bihainim 50 rejisitet politikol pati, tupela ten fo (24) long ol (wantaim 18 independen) i bin winim ol sit. Pati sistem i no strong; ol pipel bilong yumi i save votim ol wan wan manmeri, na i no bihainim ol pati o ol polisi bilong ol.

Ol koalisen we i gat planti pati i save givim bikpela wok long Praim Minista long stretim laik bilong ol wan wan. Pasin poroman o wokbung i save senis klostu klostu bihainim laik bilong wan wan long holim moa pawa. Tude, maski i gat Politikol Intekriti leislesesen we gavman bilong mi i bin kamap, i gat sampela pati we i gat sampela memba i sindaun long sait bilong gavman na sampela long oposisen, na sampela yet i sindaun namel tasol.

Olgeta dispela sosol, ekonomik na politikol samting i givim salens long gupela gavman na gupela wok gavanens. Em i soim klia pasin bilong holim pablik opis i save daunim gupela pasin o pasin bilong mekim disisen bihainim laik bilong pablik. Ol lida insait long Papua Niugini, maski gupela o nogot, i save wok bihainim dispela pasin.

Lukluk bek long welpe, sindaun na ol sans bilong planti long ol pipel bilong yumi

Ol sosol indiketa bilong mipela i soim olsem stendat o mak bilong helt nau i bagarap moa long make mi i stap 25 yia i go pinis. Winmani bilong wan wan manmeri i go daun, maski ekonomik developmen i wok long kamap. Mak namel long ol potnait pe i bikpela moa winim mak em i stap long en long taim bilong independens - sampela i sindaun gut moa tasol mak namel long ol lain i gat bikpela mani na ol lain i nogat bikpela mani i bikpela moa yet. Populesen o namba bilong ol manmeri i wok long groa kwik moa long ekonomi na i wok long abrusim strong bilong Gavman long givim ol besik sevis. Infrastraksa i no strong, na i wok long bagarap moa yet.

Bihainim ol sosio-ekonomik indiketa bilong yumi, Yunaitet Nesens (United Nations) i bin daungretim Papua Niugini na givim nem "least developed country" long en. Tupela wik i go pinis World Vision i bin autim wanpela ripot we i skelim ol wok bilong daunim hevi bilong nogat gupela sindaun na long kwolati bilong ol besik sevis insait long ol Pasifik Ailan kantri - mipela i bin stap daun tru long olgeta ol dispela kain wok.

Tasol mipela yet i save olsem kantri bilong yumi i gat planti risoses, i gat mani long graun. Bilong wanem na ol i no yusim dispela bikpela hap mani long promotim tru tru sosol na ekonomik developmen? Nogat klia luksave na visin i kam long ol lida na daunim strong bilong ol gavman opis i stap long as bilong dispela askim.

Sistem bilong yumi long independens i bin olsem wanem?

Mipela i stat long 1975 wantaim strongpela institusenenal na polisi fremwok. Pablik sevis i bin profesinol, i no bihainim wanpela laik, i kism gupela stia, na i bin wok bilong stretim sindaun bilong pablik. Ol arapela gavman opis tu i bin wok strong. I bin i gat strongpela komitmen o tok promis i kam long ol lida bilong mipela long nid bilong wanpela Lidasip Koud na wanpela strongpela, independen Ombudsman Komisin. I no olsem tude. Long taim bipo i no bin i gat planti lida i bin sanap long ai bilong ol Lidasip Traibunel o kot.

Asua i kamap we?

Yumi no inap sutim tok long bipo kolonial papa bilong yumi, o husat ol

arapela ausait lain long ol hevi mipela yet i kamapim. Mipela yet i stap long as bilong en. Wanem i wok long daunim developmen? Taim ol lida i no inap long mekim ol bikpela disisen; taim ol i no lukluk i go bihain taim na mekim wok nau bilong stretim sindaun bihain; pasin bilong luksave long ol bikman insait long pasin politikol; pilai politikol insait long pablik sekta; tromoi nating pablik mani; nogat inap save na nogat bikpela mak insait long pablik sekta; korapsen, na yusim pawa bilong gavman bilong stretim sindaun bilong ol yet - olgeta dispela samting i wok long daunim developmen bilong yumi.

Maski ol pasin na tingting bilong ol lida - na komyuniti - i no inap long stiaim pasin, ol institusen, straksa na sistem we ol lida i bosim i strong wantaim ol rot bilong sekim, bai ol tingting bilong ol bai stap olsem tingting nating. Tru tru sindaun i ken narakain olgeta. Olsem na ol dispela arapela samting mi autim bipo olsem strongpela sindaun bilong politikol, ol gupela institusen, strongpela sivil sosaiti, na ol lida i ken redi long kamaut ol rifom.

Rifom i no isi, tasol histori i soim olsem em i ken kamap

Em i ken kamap sapos ol lida yet aninit long stia bilong Praim Minista i gat bilip long en.

Mi yet mi no amamas olsem ol wok rifom mi bin kirapim taim mi stap praime minista i no go het nau. Dispela toktok i ken wanpela strongpela toktok, tasol em i tru. Na mi mekim dispela toktok long strongim wok na soim rot i go het, na autim tingting long rot gavman i ken bihainim long sanapim ol ston bilong gupela wok gavman bilong kamapim developmen.

Mipela bai lukluk bek long dispela taim insait long politikol histori bilong yumi olsem ol yia we i bin lus nating

Laspela 4-pela yia i lukim ol gupela sindaun tru bilong mani insait long kantri bilong yumi, we i bin sindaun antap long ol gupela komoditi prais; na dispela i bin kamap olsem kaikai bilong ol rifom o senis mi yet mi bin kamapim; na hap gupela wok we bipo tresera i bin haitim ki bilong kesbokis. Tasol mipela i no kism dispela sans mipela i bungim na go het wantaim ol senis.

Mipela i mas stopim pasin bilong amamas nating long gupela sindaun bilong mani na GDP gro we mipela i tok em i kamap long ol domestik polisi. Ol dispela gupela sindaun i kamap long bikpela diman o askim i kam long Saina na India bilong ol ro matiriel o samting olsem diwai na ol mineral we ol i nidim long mekim ol arapela samting. Ol samting we i strongim mani sindaun bilong yumi i stap ausait long kantri na ol i ken lus enitaim. Sapos ekonomi bilong Saina o India i go daun, ol prais i ken go daun na gupela gro bilong ekonomi bilong yumi i ken go daun tu.

Ron antap long gro long winmani bilong yumi long ol ekspot o samting mipela i salim i go aut long kantri, gupela sindaun bilong ekonomi i bin kism halvim long strongpela lukautim bilong mani we Bart Philemon i bin mekim. Tasol dispela pasin bilong holim strong mani i no go daun insait long ol gavman opis; na i no stap insait long rifom bilong pablik sekta - olsem na sans bilong em long strong i go inap bihain taim i daun tru. Em i go long olgeta hap wok bilong gavman na em i lukim ol skul i no kism inap mani, ol haus sik na yunivesiti i no kism inap pe na ol tisa i nogat haus, ol helt wokmanmeri na polis manmeri i no kism gupela pe, ol rot, ples balus na bris bilong sip i wok long bagarap. Wanem as bilong bikpela winmani taim ol papamama i no inap long salim ol pikinini i go long skul? Wanem as bilong bikpela winmani taim ol pipel i wok long dai bikos i nogat marasin na masin insait long ol helt senta na haus sik?

Olgeta dispela askim i soim klia olsem ol hevi bilong yumi i go daun olgeta na i bung wantaim tu. Long daunim ol, i mas i gat moa long wanpela o tupela gupela lida tasol husat i wok long mekim gupela wok insait long ol wan wan eria bilong ol. Ol i stap insait long ol sistem na straksa we i nogat inap strong, o i nogat banis long ol hevi ausait o i no mekim gut wok. Em ol dispela sistem na straksa we i mas senis bilong kamapim gupela wok gavman na kamapim moa developmen.

Stori bilong NPF na bihain **Nasfund** insait long las 10-pela krismas i soim klia toktok bilong mi. Ol hevi bilong NPF insait long leit 1990s em i klia piksa bilong wanpela institusen we i wok long go daun bikos i gat planti yia we pasin politikol i bin stap insait, ol sistemik daunim long sait bilong menesmen na yusim ol opis bilong stretim sindaun bilong wan wan manmeri. Dispela i opim rot bilong ol stailman long go insait na ol i bin go insait olsem wokpaimaut bilong Komisin bilong Inkwairi i bin paimaut bihain.

Taim mi bin winim opis long 1999, NPF i no bin i gat mani, na ol i bin i gat dinau inap long 154 milien kina. Ol memba, ol wokmanmeri insait long praivet sekta insait long kantri stat long ol menesa i go daun long ol junia wokman i bin karim hevi bilong 51% rait daun long ol sevis bilong ol. Gavman i go insait na givim ol kampani na wokmanmeri wanpela mani program we i daunim hevi ol memba i karim i go daun long 15 pesen na i no 51 pesen long ol kontribusen bilong ol.

Mi yet mi lukim olsem i bin i gat nid long givim tok klia long ol wokmanmeri long sevis bilong ol i lus olsem wanem. Na moa yet i gat nid long paimaut long wanem as tru na dispela hevi i bin kamap. Antap long dispela ol i makim ol senis we i bin i mas kamap long abrusim dispela kain hevi long kamap gen. Olsem na mi bin sanapim Komisin ov Inkwairi i go insait long NPF.

Rifom insait long suparenuesen i bin lukim rausim bilong gavman mausman long ol supra fan bod na rausim pawa long Minista (bilong fainess) long tok oraitim ol invesmen na makim ol invesmen potfolio. Wok bilong skelim wok bilong indastri em ol i rausim long gavman na

givim long Sentral Benk. I bin i gat strongim bilong ol pawa bilong benk; na em i kamap independen moa, na ol supayaisa wok bilong eri i bin skruim i go long karamapim ol insurenens kampani na ol suparenuesen fan, benk, sevis na lon sosaiti na ol arapela mani opis i holim laisens. Benk i bin kism pawa bilong strongim ol tes bilong sekim strong na save bilong ol sinia menesa na bod memba bilong olgeta opis aninit long lukaut bilong en.

Long dispela as tasol na ol dispela senis i strongim bek dispela supra fan. Insait long 5-pela krismas suparenuesen indastri i gro inap 16% na aset gro bilong em i kalap long 1 bilien i go inap 2:6 bilien kina. Namel long dispela taim, Nasfund yet i gro tupela taim moa long averes ret bilong en long 33% long wan wan yia. Long 2005 Nasfund i mekim afta takis profit o winmani inap long 160 milien kina. Skelim dispela wantaim 1998-1999 taim ol i bin mekim los o lusim samting olsem 176 milien kina. Ol aset bilong Nasfund nau i sanap moa long 6-pela taim mak bilong 1999.

I luk olsem insait long ol yia i kam, suparenuesen indastri bai holim moa mani aset winim olgeta arapela mani bisnis olsem ol benk.

Wankain samting i bin kamap long NPF nau i luk olsem em i wok kamap insait long Dipatmen bilong Fainens. Em i abrus long wok bilong em olsem papa bilong pablik mani, na nau Fainens i wok long kamap olsem wanpela ejensi bilong tok oraitim printim bilong ol sekmani na kism komisin na stail pasin i wok long bikpela tru.

Dispela em piksa we wanpela Minista i gat gupela bel na tingting i no inap long stopim kain paul pasin insait long ol opis i stap aninit long lukaut bilong en. Em i piksa bilong wanpela opis husat i wok long daunim ol pasin bilong gupela na strepela wok menesmen, maski Minista yet i gat gupela tingting.

Hevi long Fainens i stap longpela taim pinis. Bilong wanem na i nogat wok stretim i kamap bipo? Nogat inap wok kamap long stretim i larim hevi i kamap. Long rausim ol dispela kain stail pasin, i mas i gat wanpela Komisin ov Inkwairi we bai i kaikaim planti milien kina long mani bilong pablik. Tasol maski yumi sanapim wanpela komisin ov Inkwairi, ol tems ov refrens o mak bilong wok painimaut bai lukluk long ol han mak bilong hevi tasol. Moa yet i mas i gat wok bilong go insait long yusim ol infomesen o stori bilong Komisin ov Inkwairi long karimaun ol rifom o senis bilong strongim Fainens Dipatmen bai ol dispela kain stail pasin i noken kamap gen. Dispela bai kamap o nogat? Mipela we na lukluk tasol.

Stori na hevi long Sauten Hailans em i narapela piksa we ol lida i no mekim samting kwik, maski ol i save long olgeta hevi i stap long taim pinis insait long provins. Sapos i bin i gat wok i kamap bipo, ating bai ol i bin inap long daunim ol hevi na bai i nogat nid bilong kamapim wanpela Stet ov Imejensi.

Em tu, mipela i we na lukluk sapos ol rifom o senis ol i kamapim nau bai daunim dispela kain hevi long kamap bihain taim gen. Hevi long Sauten Hailans i no wanpela tasol. Em i kamap bikos provinsel gavman sistem bilong mipela i no wok. Ol senis long mama lo mi bin mekim long rausim ol provinsel sit i bin namba wan wok long wanpela riviu mi bin laik mekim long bikpela masin bilong disentralaisesen. Sapos em i no kamap, bai yumi gat ol kefiu na stet ov imejensi yet.

Sentral Benk, Nasfund na ol stori bilong suparenuesen indastri, bikpela bungim bilong PNGBC wantaim Bank South Pacific, salim bilong Orogen i go long Oil Search, sanapim bilong PNG Sustainable Development Program Trust kampani, ol han kampani bilong em Sustainable Energy Limited na PNG Microfinance, i givim ol modol bilong ol lida i gat visin bilong mekim senis long go long ol arapela wok we i wok long daunim developmen na gupela wok gavanens. Ol samting ol dispela institusen i wok long mekim nau na givim han long en i soim ol gupela kaikai bilong rifom long sait bilong kamapim moa risos na strongim ol save bilong mekim wok.

Olsem mi tok pinis, politikol stabiliti o strongpela sindaun bilong politikol em i bikpela samting we i mas stap long kamapim gupela wok gavanens. Bipo long 2002, nogat wanpela gavman i bin i gat sans long holim opis inap long 5-pela yia. Mipela i sutim tok long politikol instabiliti olsem namba wan as long i nogat wok i go het long sosol na ekonomik developmen. Ol gavman i bin pret long ol vot i nogat bilip olsem na ol i no mekim ol disisen bilong strongim kantri taim ol i lukim olsem ol bai no inap kism sapot long en.

Dispela i noken kamap moa. Wanpela bikpela kaikai bilong ol politikol rifom o senis gavman bilong mi i bin kirapim wantaim Politikol Intekriti leislesesen, namba wan taim tru insait long histori bilong yumi bai yumi gat wanpela gavman i holim opis inap 5-pela yia olgeta. Tasol strongpela sanap bilong dispela gavman i no kamap long wok bilong ol. Nogat. Em i kamap long wok mi bin kirapim. Tasol i soim ol gupela kaikai ol lida i mekim long luksave long wanpela hevi na painim rot bilong senisim bihainim ol rifom.

Na olsem mipela tok antap, antap long ol gupela lida na politikol stabiliti, ol opis bilong gavman i wok strong na wanpela strongpela sivil sosaiti na bisnis komyuniti em ol bikpela samting we i mas i stap long strongim gupela gavman na developmen.

Mi bin kirapim wanpela rifom program we i karamapim olgeta ol dispela eria. Taim i bin daunim mi long pinisim gut. Mi bin bilip olsem nupela gavman bai karim na surukim i go yet, na strongim ol wantaim ol nupela rifom. Tasol nogat bikpela wok i kamap. Tasol em i gat inap taim bilong yumi long kirapim dispela wokabout gen.

RAGBI LIG

PNGRFL

Sarere Septemba 30, 2006

PRL- Lloyd Robson Graun

3:00 PNG Kumuls v Australia PM 13

POM RFL INC

SP LEAGUE 2006

Sarere Septemba 30, 2006

PRL 1

10:00 Balawai PS vs Gerehu PS U/14

01:00 Southern Zone vs POM Sch Boys U/19

02:00 Sogeri PS vs Hagara PS U/12

03:00 PNG PM's 13 vs AUS. PM's 13

Sande Oktoba 01, 2006

PRL 1

10:00 Hawks vs Souths U/19

11:30 Tarangau vs Puma B

02:00 Tarangau vs Puma A

McGREGOR YUT SPOT ASOSIESE

Sarere Septemba 30, 2006

08:00 Souths Power vs Back Street C Tas

08:50 Top Street vs Dever Brothers C Tas

09:40 Trench Taun vs Dever Brothers B Tas

10:50 Souths Power vs Back Street Meri soka

12:00 Country Sharks vs Ghost Town B Tas

01:10 Country Sharks vs Ghost Town Meri soka

02:20 Trench Town vs PS Warriors A Tas

03:50 Top Street vs Dever Brothers A Tas

Sande Oktoba 01, 2006

08:00 Trench Town vs PS Warriors C Tas

08:50 Country Sharks vs Ghost Town C Tas

09:40 Souths Power vs Back Street B Tas

10:50 Top Street vs Dever Brothers Meri Soka

12:00 Top Street vs Dever Brothers B Tas

01:10 Trench Town vs PS Warriors Meri Soka

02:20 Souths Power vs Back Street A Tas

03:50 Country Sharks vs Ghost Town A Tas

SOKA

POMSA

Elimination Finals

Sarere Septemba 33, 2006

Bisini 1

08:00 Manambu vs Sobou U/21 Y2

09:40 University vs Cosmos U/21 Y1

11:15 Niuan vs Eastern FC D3

01:00 Rapatona vs LBC Defence PR

02:40 Guria vs Reccos WP

Bisini 2

08:00 Rapatona vs Souths Utd U/21 Y1

09:40 Markham Yarangs vs Jaha W1

11:15 Cosmos vs University PR

01:00 Verave vs Bavaroko D1

02:40 BMobile vs Tawala D1

04:15 University vs LBC Defence PREM

Sande Oktoba 01, 2006

Bisini 1

08:00 Thrillers vs Maset D3

09:40 Maclaran vs Murat D2

11:15 Rapatona vs Souths Utd Prem

Bisini 2

08:00 Markham Yarangs vs Telikom D2

09:40 Rapatona vs University WP

01:00 Madang Fox vs PRK Souths Utd NSL

03:00 Gelle Hills Utd vs LT Blue Kumuls NSL

Sir John Guise Stadium

Sarere Septemba 30, 2006

Oval 1

08:00 Bavaroko vs Markham Yarangs U/21

09:40 Naniu vs Sobou W1



TAIM BILONG RESIS: Dispela em i no ol ami, nogat. Em ol skul pikinini long Wabag Distrik, Enga provins husat i kamap long stat bilong bikpela skul soka resis em lokol memba bilong ol Sam Abal i sponsaim long las wik.



YAH: Dispea osi rul pilaia i kalap gut na abrusim birua pilaia long kisim gut bal long Pot Mosbi osi rul resis long las wik Sarere.



TENK YU: Kaugere ragbi lig klab long Pot Mosbi i kisim ol nupela jesi long sponsa Falcon long las wiken. Dispela tim i mekim gut long Kaugere ragbi lig resis.



HOLIM EM: Post Puma pilaia i redi long pasim rot bilong Butterflies pilaia long Pot Mosbi semi fainol pilai long Llyod Robson pilai graun long las Sarere.

Broncos laik stopim Storm

PILAIA bilong bikpela resis Tonia Carroll i tok ansa bilong ol Broncos i pairapim NRL sil em long hamarim Melbon Storm ketpen Cameron Smith long gren fainol pilai bilong ol long Telstra Stedum long dispela Sande.

Dispela man husat i save bamim gut ol birua pilaia long ol ron bilong em i tok em bai lusim olgeta pawa bilong em long dispela taim na putim mak bilong em taim em i kilim gut ol Storm pilaia long pilai bilong ol.

Carroll husat i soim strong bilong em pinis long semi fainol pilai bilong ol taim ol i winim Newcastle Knights 50-6 na olsem em bai i no inap long givm sans tu long dispela taim.

Kain stail bilong em i bin helpim ol Broncos long ol i winim gut ol pilai bilong ol.

Carroll i wanpela bilong ol Broncos pilaia olsem Shane Webcke na kepten Darren Lockyer husat i winim Sidni Siti Roosters long 2000 gren fainol 14-6.

Dispela 2006 Dally M Medol wina i bin pilai wantaim ol Storm we ol i winim 1999 primiasip taitol. Em i tok long ol Broncos long win ol i mas ron hariap long difens lain



Ekperiens bilong ol Broncos pilaia olsem Tony Carroll bai makim win bilong ol agensim ol yangpela bilong Storm.

na hamarim Smith long stopim em long em i gat sans long tromoi i go kam long ol wan pilaia bilong em.

"Smith i bin pilai gut long planti bilong dispela sisen na las yia na long dispela taim mi makim em long stap antap stret long ol arapela pilaia olsem Danny Buderus (Knights)," Carroll husat i bin pilai wantaim Smith long Kwinslen Orijin jesi long 2005 na 2006 Orijin pilai.

"Em i putim mak bilong long dipsela pilai. Em i save redim gut ol pilai bilong Melbon na olsem

em i man mipela i lukluk long daunim long dispela pilai," Carroll i tok long Smith.

"Long stat yet mi bai lukluk long putim sampela gutpela mak na mi no inap long pilai kaskas," em i tok. "Dispela em long mekim mi bilip long mi yet long helpim ol arapela pilaia," em i tok.

"Olgeta pilaia i gat laik long stat gut na olsem mi bilip long mekim gut long ol namba wan ron bilong bilong mi. Dispela bai helpim mi long go insait gut long pilai bilong mi."

Fowets bung kirapim skin bilong Storm



Spitman bilong Storm, Billy Slater bai kirapim ol pilai long beklain bihain long ol yangpela fowet pek bilong Storm i brukim bun wantaim ol bikman bilong Broncos

MELBON Storm i tok wanpela bung bilong olgeta fowet bilong klab long stat bilong dispela wik i strongim tingting bilong ol long bungim Brisbane Broncos dispela wiken.

Maski planti man i tok fowet pek bilong ol em wanpela yangpela pek, tasol ol i no wari tumas long gen long Sande.

Ol fowet yet i tok olsem asisten kosa bilong ol na Kiwi bikman Stephen Kearney i bin kirapim skin na strongim tingting bilong ol.

"Olgeta man i tok olsem em bai givim mipela hevi, tasol em i bungim mipela long tokim mipela olsem mipela i mas resis long stap insait

long fowet pek dispela wiken," Melbon prop Antonio Kafusi i tok. "Olgeta wiken insait long dispela sisen, mipela i bin brukim bun wantaim ol biknem fowet pek. Mipela i no wari, mipela i salim skin tasol. Na mipela i no surik.

"Mipela yet mipela i save olsem mipela i gat bilip na mipela i ken pilai strongpela futbol, tasol mipela i mas autim dispela bilip bilong mipela yet." Kosa bilong Storm, Craig Bellamy i makim huka Cameron Smith olsem kepten bilong gem long Sande.

Smith yet i tok olsem em i amamas tru long go pas long tim long dispela bikpela gem.


Gutpela nius long Civoniceva

BIKPELA fowet bilong Broncos Petero Civoniceva i ting em bai abrusim dispela bikpela pilai em i bin wok long redi long em tasol long dispela wik em i kisim tok olsem em orait long em i insait long pilai.

Civoniceva i bin pret long wanem em i bin mekim wanpela takol nogut long pilai-meka bilong Canterbury Bulldogs Sonny Bill Williams long las wik na i ting ol jas bilong NRL bai mekimsave long em long ol i bai pasim em long pilai tasol dispela tingting i no bin kamap.

Sapos tru tru olsem kain samting bin kamap Broncos bai inap long abrusim wanpela gutpela pilaia bilong em we i ken helpim ol long winim gut gren fainol pilai long Telstra Stedum long dispela Sande. I gat tok olsem em i gat gutpela nem long pilai.

Long rekot bilong NRL Civoniceva i gat gutpela rekot long em i no bin pilai nogut long dispela resis.



Broncos bikman Petero Civoniceva i abrusim mekimsave long wanpela hai takol bilong em na nau em bai pilai long gren fainol.

"Dispela em i gutpela nius na mi amamas tru," em i tok.

"Sapos kain tingting i stap dispela inap long daunim spirit

bilong tim long redim em yet long kain bikpela pilai olsem."

Broncos nau em i redi gut long bungim ol Storm.

Storm i no wari long ekspirians bilong Broncos



Shane Webcke, bikman bilong Broncos em i wanpela long planti pilaia insait long Broncos husat we ekspirians bilong ol i winim Storm.

MELBON i tok klia olsem ol i no wari long bikpela ekspirians bilong Brisbane Broncos.

Broncos yet i gat bikepla save long ol fes gret gem, fainols pilai, test mets na ol orijin gem. Tasol Storm prop Antonio Kaufusi i tok olsem sait bilong em i bilip olsem em bai liklik samting.

Ol bikman bilong Broncos em Shane Webcke, Tony Carroll na Darren Lockyer yet i gat 202 fainols pilai namel long ol. Storm i gat 100 tasol. Maski ol Storm pilaia i wok stat bruk i go insait long Stet ov Orijin futbol nau, ol Broncos i win yet wantaim 135 orijin gems. Storm i gat 40 tasol. Long test level, Broncos i winim Storm 134-40.

Long sait bilong fes gret ekspirians, Brisbane i win tu, 2081 i go inap 1396.

Na ating moa yet em gren fainol pilai. Broncos i gat 17 na long Storm, Matt Geyer tasol i bin pilai long 1999 gren fainol taim Storm i bin win.

Tasol maski olgeta namba i stap long sait bilong Broncos, Storm i tok ol bai no inap tingting tumas long dispela. "Ol i gat ekspirians tasol nogat man i retim mipela na mipela i go aut long mekim nem tasol. Mipela gat wanpela yangpela fowet pek na mipela bai hangere moa long ol Broncos."

Winga Steve Turner i tok gutpela fom bilong Storm i givim em na planti ol tim met bilong em sans bilong pilai rep futbol.

Meninga laik lukim Australia PM 13 i kamap Tes sta

KOSA bilong Australia Prait Ministas 13, Mal Meninga i tok olsem ol yangpela pilaia insait long sait bilong em we ol bai bungim PNG bai kamap ol test sta bilong bihain taim.

Parramatta ruki ov the yia Jarryd Hayne, Saut Sydney namba NRL trai skora Nathan Merritt, Manly fulbek Brett Stewart na Newcastle hap bek Jarron Mullen olgeta i kisim luksave long stap insait long tim.

Hayne (18), Merritt (23), Stewart (21), na Mullen (19) i gat bikpela sisen dispela yia.

"Olgeta ol dispela pilaia i gat inap strong bilong pilai test futbol long bihain taim. Em bai bikpela pilai bilong ol tru bikos



Kosa bilong Prait Ministas 13 bilong Australia Mal Meninga i tok ol yangpela pilaia bilong em i gat namba

ol i makim kanri bilong ol na Prait Minista bilong ol."

Not Kwinsien hap bek Johnatahn Thurston i gat sans long traime winim namba 7 jesi we Andrew Johns i bin lusim. Na Craig Gower bai sanap long faiv eit.


Tes na Kwinsien prop Steve Price em i namba wan bikpela pilai insait long tim na Wests Tigers huka Robbie Farah na Not Kwinsien Luke O'Donnell bai trai winim tes jesi long Oktoba.

mening: i tok em i bikpela samting long gat sampela ekspirians pilaia insait long sait bikos Adrian Lam husat em i kosa bilong PNG sait bai klia gut long pilai bilong planti ol dispela mangi.

SP Kap Gren Fainol poto



YES: Stanley Hondina, Mabej & Johnson Muruks kepten (rait han) i kism SP Kap long SP Bruweri jenerel menesa Nigen Yao bihain long ol Muruks i winim Coca Cola Lahanis 24-14 long gren fainol pilai long Pot Mosbi long las Sande.



MAMA: Junia Ropra, Lahanis bikpela boi i kism strongpela takol long han bilong ol Muruks.



MI AMAMAS: David, papa bilong Mabej na Johnson husat i sponsaim Muruks tim i amamas na hapim kap taim ol sapota i karim em.



SORI TUMAS: Bikpela namba bilong ol lainmanmeri husat i wet long go insait long lukim pilai. Tasol sori tumas ples i pas na planti lain i no bin inap long go insait na i mas go bek long haus bilong ol.

Pilai olsem wanpela tim- Bennett

Paul Zuvani i raitim

BIPO PNG Kumuls kosa Bob Bennett i tok harim tok na pilai long wanpela tim spirit i bikpela samting long kamapim gutpela pilai.

Em i mekim dispela toktok long taim Kumuls mensmen tim i rausim tripela biknem pilaia- Rabaul Agmark Guria senta Chris Purkikil na Mabej na Johnson Muruks pilaia Charlie Wabo na Joseph Omae.

Dispela tripela pilaia i no bin kamap long taim stret long taim Kumuls tim i go insait long kem long Mande dispela wik.

Purkikil i no bin kalap long balus long Rabaul na kam long Pot Mosbi long Sande na Wabo na Omae i no kamap long kem inap long Tunde maski ol i bin stap long Pot Mosbi.

"Mipela i laik strongim pasin bilong harim tok na kamapim tim spirit."



TIM SPIRIT: Samting em bipo Kumuls kosa Bob Bennett i laik ol pilaia i mas mekim.

"Pasin bilong harim tok na kamapim tim spirit insait long tim i bikpela samting long mipela," Bennett i tok.

"Tim i mas stap, silip, kaikai, tren na pilai wantaim," em i tok.

"Sapos ol i no mekim olsem ol bai pilai wantaim narapela pilai olsem wanem long taim bilong pilai stret?" em i askim.

Na namba tu kosa Michael Marum i tok dispela lo em olgeta pilaia i save long em na i nogat eskus long ol i abrusim.

"Mipela i bin mekim kain pasin long bipo na dispela i no nupela ol pilaia," Marum i tok taim em sapotim dispela tingting long mekimsave long ol pilaia husat i no soim gutpela pasin bilong pilai.

"Dispela ol pilaia em ol i bikpela pilaia na olsem ol i mas soim gutpela eksampel long ol yangpela pilaia," em i tok.

Aste mensmen i makim fainol tim na em i stap olsem- Omphalus Kua, Tuu Maori, Francis Rau, Gimepau Keimelo, Eki Ene, Keith Peters (keten), Geno Kima, Rodney Pora, Paul Aiton, Nigel Hukula, George Moni, Johnson Kuike na Tom O'Reilly.

Ol risev em Porian Bal, Channel Aquilla, Nicok Slain na Wesley Benny.

... i kam long bek pes

Purkikil husat i pilai wantaim Rabaul Guria i asua taim em i no laik kamap long taim na kalap long balus long kam long Pot Mosbi long Sande.

Tupela Mendi Muruks pilaia na 2006 SP Kap gren fainol wina Wabo na Omae i no kamap long kem long Mande maski ol i bin kism tok pinis long las Fraide olsem ol i stap insait long Kumuls-skwat na olsem tupela i mas kamap long kem long Mande. Tupela i amamas na spak na kamap long Tunde belo we tim na menesmen i skelim dispela pasin i no stret.

Long dispela menesmen i tok pasin bilong bihainim na harim tok em i bikpela samting long tim i stap na pilai gut.

Sapos dispela ol tripela pilaia i no harim tok na sapos ol arapela pilaia inap-long harim tok dispela i ken bagarapim tingting bilong kamapim gutpela spirit

Manki Hanuabada go pas long Kumuls


LIKLIK lain i save long husat em Keith Peters.

Peters husat i gat 20 krismas nau mama i karim em long 1986.

Mama bilong em i bilong Hanuabada na papa bilong em i bilong Australia na Peters i stap long PNG inap long famili i go long Australia long 1993.

Peters famili i stap long Sidni we Keith i go long Patrician Brothers skul we em i stat pilai ragbi taim em i gat 12-pela krismas.

Bihain em i go joinim Junia Penrith Panthers we em i mekim wei bilong em i go inap nau em i pilai long primia tim i wok long mekim gut.



KEPTEN: Keith Peters

Namba wan NRL pilai bilong em long raun 14 bilong 2006 sisen.

Nau yet em i mekim namba tu yia bilong em long sivil enjiniering digri long Sidni Yunivesiti.

Long taim mensmen i makim em olsem kepten bilong tim em i tok em i redi long go pas long tim maskim dispela em i namba wan taim bilong em.

"Mi tok tenk yu na amamas long tim i gat bilip long mi na makim mi long dispela ples," Peters i tok. "Na mi ting mi redi long mekim wok."

"Mipela (tim) i lain gut na olsem mipela bai mekim olgeta samting long pilai gut," em i tok.

Na askim sapos em i ken pilai gut wantaim hap bek Geno Kima Peters i tok em i painim Kima i gutpela long pilai gut na olsem tupela bai pilai wantaim.

Royals winim Wabag ragbi lig fainol

Peter Sowaip Pia i raitim

LUPA Royals i bagarapim tingting bilong KTL Sharks 7-6 taim tupela i wantaim kamapim strongpela pilai long Wabag ragbi lig gren fainol long las Sande.

Win bilong ol Royals i lukim ol i kism sil wantaim K4,500 praismani.

Ol nau i kism ples long go pilai long lpatas Kap bihain long dispela yia. Ranap tropi i go long Sharks husat i kism tu K2,000 praismani.

Sharks husat i kamap maina primia na husat i bin kamap long tupela gren fainol pastaim tasol i bin ting nau em i taim ol i mas winim dispela taitol tasol turangu dispela tingting bilong ol i lus.


Ol sapota bilong ol i sanap wantaim nek drai na sanapela long wanpela lek taim namba wan trai ol Royals i wining fil gol we i brukim lewa bilong long ful taim taim tupela tim wantaim i lok long 6-6 skoa.

Ol Royals i laki long ol i gat bipo Kumuls pilaia Roy Tela husat i helpim gut tim long pilai strong.

Long taim bilong givim presen WRL presiden Sandis Tsaka i tok em i amamas long gutpela pilai i kamap na olsem i nogat hevi i kamap long dispela gren fainol.

"Mi laik makim maus bilong lig na tok tenk yu ol sponsa husat i helpim tu long kamapim dispela resis."

Bai laik pinis long pilai



KILA: Marcus Bai long taim em i pilai egensim Harlequins long Inglan Supa lig resis dispela yia.

Paul Zuvani i raitim

EM i tru na gutpela olsem Bradford Bulls i makim gen PNG biknem ragbi lig pilaia Marcus Bai long pilai wantaim ol long narapela yia tasol samting tru bagaros i ting em em i taim em i laik pinis long pilai.

Long dispela wik em i imel na rait long Wantok niuspela na tokaut long tingting bilong em.

"Tenk yu tru Paul trutu mi laik pinis long pilai long dispela yia. Tasol Steve McNamara(em i kosa) i tokim mi olsem em

laikim mi gen long narapela yia olsem na mi stap gen. Tasol dispela em las yia bilong mi, narapela yia mi hop mi ken still pilai olsem dispela yia," Bai i rait na tok.

Las wik long taim bilong Bulls i sainim kontrak long em long pilai gen Bai i tok, "Mi amamas long stap long narapela yia na mi amamas long ol Bradford i laikim mi. Ol i wanpela namba wan tim long Supa Lig na mi laik stap wantaim ol."

"Tasol em long narapela yia nau mipela i gat sampela bikpela samting em mipela i mas mekim long dispela wik," em i tok.

"Steve na Gareth Davies i bin gutpela na mi amamas long wei em klab i toktok wantaim mi."

"Mi bin ting olsem dispela bai laspela yia bilong mi tasol i luk olsem tingting bilong Steve i narapela liklik."

"Mi kam bek bihain long mi malolo long kism bagarap long Julai mi bilip gut na mi amamas long wei mi kamap long namba wan pilai bilong mi egensim Wakefield na mi skruim yet ol gutpela mak bilong pilai bilong mi na olsem mi no wari olsem nau mi mas pilai gen long narapela yia."

"Mi bai givim olgeta samting mi gat long em long dipsela yia na narapela yia na mi hop mi bai givim bek sampela samting."

Long taim Bai i joinim Bull long dispela yia bihain long em i pinis long pilai wantaim Leeds Rhinos long 2004 na 2005 sisen Bai i kamap long 23 pilai we em i skoaim 12-pela trai.

Las wik tu taim klab i givim aut ol awot Bai i kism awot bilong namba wan beks pilaia bilong klab olsem "Bek-Pilaia-Bilong-Yia."

Bai husat i bilong Ulamona, Wes Nu Britan provins i gat 34 krismas.

Kumuls laik surukim mak

soka

Bustin Anzu i raitim

TUGUBA Laifepo Blue Kumuls i mas kisim gut was taim ol i go pundaun long Pot Mosbi long raun 5 pilai bilong Nesinol Soka Lig (NSL) long dispela wiken.

Blue Kumuls, husat nau yet i go pas long NSL poin lata bai pilaim Gelle Hills long Bisini Soka Graun taim PRK Souths bai i go long Madang na lukim Madang Fox.

Na Welgris Fuel Distributors (WFD) Momads bilong Mount Hagen bai kisim malolo.

Bihain long raun 4 poin lata i sanap olsem Kumuls i go pas wantaim 7-pela poin, Souths 4, Gelle Hills, Fox na Momads -- olgeta i gat tripela poin.

Ol polisman bilong Lae bihain long ol i kisim gutpela malolo long las wiken bai go long Pot Mosbi brukim bun wantaim ol Hills long traim surukim posisen bilong ol i go antap.

Kepten na midfilda Armstrong Peka, husat i kisim sampela taim malolo long disiplineri ripot bai



MI LAIK GO: Blue Kumuls skipa Armstrong Peka (lep han) i abrusim Souths Eric Komeng long NSL namba wan pilai long Lae. Peka bai kambek gen nau.

long las wiken. Peka bai kambek gen nau.

pilai strong long fil wantaim sapot bilong narapela wan pilaia bilong em Michael Yagum na Charlie Posanau. Narapela riplesmen tri kwata bilong Kumuls, Solomon Allan Cherry Rauna tu bai givim wankain sapot. Long fran lain, straiaka Edmund Lalo na namba tu kepten Ian Yanum bai painim

umben bilong ol manki Mosbi.

Ol top beklain Rupert Peka na Goroba Tawa wantaim sapot pilai bilong Bawan Yambu na Sipang Bafinu, bai helpim ol polisman long rausim bal long baksait.

Hills, bihain long lus bilong ol long Flying Fox kantri wantaim Madang Fox, bai tingting long

kisim dispela tripela poin. Maski ol i kisim narapela stail pilaia bilong Nabasa Neil Hans, ol Madang i banisim ol gut tru na ol i kisim hat taim long Madang.

Hills bai lukluk long daunim ol Kumuls bilong Lae wantaim namba wan straiaka Hans na Nathaniel Vincent. Naime Kapi, husat i bin skorim wanpela gol bilong ol wantaim Madang bai kam bek wantaim wankain stail long las wik. Kapi i save was gut na tilim bal long ol narapela pleyas bilong em long skoa.

Long Madang, Madang Fox bai putim was long ol manki bilong siti taim ol i pundaun long Laiwaden Oval long dispela wiken. Souths i lus long ol manki Kange long asples bilong ol long Mosbi. Dispela i mekim na ol i wari na laik stretim tok.pisin wantaim ol manki Madang.

Tasol Madang Fox bai kisim was long ol ki pilaia bilong Souths olsem tupela manki Solomon Allan Jack Samani na Abraham Tuiga. Tupela em kiman bilong tim. Ol Hager i bin was gut tru long tupela long las wiken na

SPOT RAUN

wantaim



SCOTT VAVINE

Spirit bilong gutpela pilai

NAU olsem planti ol spot i go insait long fainol pilai bilong ol tingting bilong winim taitol i save kamap strong. Em i no nupela samting.

Sampela ol spot i holim pinis gren fainol bilong ol na dispela i gutpela.

Mipela i no harim sampela bikpela nius nogut olsem referi o lainsman i no kisim sua taim han o botol i pas long pes bilong em o pilaia i brukim lek o han taim birua pilaia i piog nogut long em.

Tasol sapos sampela bilong dispela ol pasin nogut i bin kamap na mi no harim na tok nating olsem mi tok sori. Tasol mi ken tok nau yet mi no bin harim wanpela nius nogut long ol gren fainol pilai.

Tasol long ol pilai i kamap gut dispela i stap long han bilong olgeta lain, Moa long ol opisel husat i ronim ol pilai.

Ol kodineta bilong pilai i mas kamapim ol lo we i mas stopim kain pasin nogut long kamap na kamapim ol lo we bai mekimsave long ol lain tim o pilaia husat i brukim dispela ol lo. Na ol lo we i stopim ol pilai o pasin nogut long kamap.

Sapos ol i mekim olsem ol i mekim namba wan muy long ol tim i save ol i no ken pilai nogut. Sapos ol i bikhet i gat long long mekimsave long ol na olsem oltaim ol bai traim long abrusim bikhet pasin.

Long wan wan ol tim ol opisel inap save gut long ol pilaia bilong ol taim ol fainol i kamap em long kwata fainol, semi fainol na gren fainol.

Dispela ol pilai em i taim em ol pilaia bai soim tru kala bilong trupela spotman o meri.

Taim ol tim i go insait long ol fainol wan wan ol pilaia bai traim long mekim olgeta samting long lukim tim bilong ol i win. Dispela long wanem olgeta hatwok em ol i mekim long sisen na olsem nau sisen i laik pinis na olsem tim em i gutpela tru ol i bin mekim gut na olsem ol i laik ron bilong ol i mas pinis gut. Ol i laik winim taitol bilong dispela sisen.

Bihain lo em i bikpela samting long pilaia i pilai gut, tim i stap gut na resis i kamap gut. Sapos wan wan pilaia, tim o spot kodineta i laik stap long laik bilong ol pilai em ol i laik long kamapim bai i no inap long kamap.

Nau yet mipela i harim long nius na ritim long pepa olsem tripela pilaia em ol i makim long stap insait long PNG Kumul tim- Chris Purkikil, Charlie Wabo na Joseph Omai em tim na menesmen i rausim nem bilong ol long pilai long tim.

Dispela long wanem ol i no bihain tok. Sapos tim o menesmen i tok long wanpela samting em i tok long olgeta i mas bihainim. I no bilong wan wan i bihainim laik bilong em yet.

Butibam winim Lae basketbol fainols

basketbol

Bustin Anzu i raitim

BUTIBAM i nupela king bilong Lae Bastetbol Asosiesen bilong 2006 sisen bihain long ol i daunim Datec Red Beach 64-60 long gren fainols long Eriku Oval long las wik Sarere.

Butibam i go pas insait long pes kwata wantaim skoa 14-13 na bihain long namba tu hap, ol i go pas 30-28 tasol ol Red Beach i kalap i go paslain 52-48 long namba tri hap.

Tasol insait long las kwata na samting olsem 10-pela minit i stap, ol manki asples long

Butibam i pilai hat na strong olgeta long i go pas na win.

Kosa Casey Stafford i amamas wantaim win bilong ol manki na i tok win bilong ol i kamap long wanem ol i bihainim gem plen long sanapim gutpela difens.

"Mi laik tok amamas long olgeta sapota bilong mipela long Butibam, we ol i kam wantaim namba long sapotim ol boi bilong ol long winim dispela gem. Ol i sapot na givim strongpela tingting long ol boi bilong ol long win. Dispela i mekim ol long pilai strong na winim dispela pilai," em i tok

bihain long win bilong ol. Stafford i pas gut tru wantaim Peter Boala, Apo Maliaki, Kilai Giali, Jeff Kiki na Darren Balamus long kisim ol manki bilong ol insait long namba wan kwata i go 14-13.

Ol Red Beach tu i gat ol sta senta olsem Sandi Katusese na Kipu Giali, i join gut wantaim ol fowet olsem Danny Joshua, Jack Timon na Sibona Kala long ron i go insait long ring bilong ol manki Butibam na sanap klostu wantaim ol long ron bihain long namba tu hap wantaim skoa 30-28. Presiden bilong LBA Bob Aaron i tok tenk

PNG Swim makim SP, Arafura na FINA Wol Gem

swiming

SP Gem skwat em Ryan Pini, Anna-Liza Mopio-Jane, Nicole Ellsworth, Ashley Seeto, Dorcas Emmanuel, Carmen Kolta, Ben Wells, Beryl Madouna, Adam Ampa'oi, Ian Nakmai na Judith Meauri.

FINA Wol Gem skwat em Ryan Pini, Anna-Liza Mopio-Jane na Nicole Ellsworth Arafura Gem skwat em Adam Ampa'oi, Arthur Maikin, Barbara Leana-Vali, Ben Wells Judith Meauri, Jenixon Lim, Ian Nakmai, Nathan Ampa'oi, Roseanne John, Anthea Murray, Anna-Liza Mopio-Jane, Nicole Ellsworth, Dorcas Emmanuel, Ashley Seeto, Carmen Kolta, Danny Pryke, Victoria Allen, Peter Pokawin na Chelsea Salter.

Tingting bilong Royals long fainol i lus

ragbi lig

Bustin Anzu i raitim

STRONGPELA tingting bilong Kuima Royals long stap insait long fainol bilong Lae Ragbi Lig i no karim kaikai long wiken.

Dunlop Magani i bagarapim sindaun bilong ol 15-10 win na rausim ol long stap insait long fainols.

Magani, husat i bin go pas wantaim wanpela poin lid 11-10 na samting olsem 4-pela minit i stap yet tasol taim seken rowa bilong Magani Gabriel Ark i putim wanpela trai long kona pos, dispela i pasim tingting bilong ol polisman.

Strongpela difens bilong ol Magani tasol i mekim ol i winim dispela pilai, maski Royals i wokim kainkain stail long kisim bal i go insait long banis bilong ol birua.

Magani i skoa paslain taim Kevin Teme i kisim wanpela fil-gol tasol ol polisman i kam bek taim huka Peter John i putim wanpela. Kik i no gutpela tumas na ol i go pas 4-1.

Ol polisman i taitim banis taim Ditha Mayab, Peter John, Klap



MAMA: Royals pilaia i mekimsave long Magani pilaia long Pot Mosbi ragbi lig pilai. Magani i bin win na nau bai go insait long eliminesen fainol.

Kongi, Peter Mirovo na kepten Joe Titus i brukim banis na ron i go insait long hap bilong birua bilong ol wallabi.

Tasol Magani i sanap strong wantaim fowat bilong LBC Lae Bombers Cedric Belo, Chris Ares, Allan Mark, Watil Mondo na Teme i strong long banisim mak bilong ol yet. Lok bilong Magani Mondo i no

amamas wantaim dispela skoa lain na putim wanpela trai klostu long pos na Richard Trappe i kikim konvesen na ol i go pas 7-4. Tasol ol polisman i no inap larim ol i go pas wantaim dispela skoa.

Long seken hap, tupela tim wantaim i pilai strong na i no gat spes bilong wanpela bilong ol long skoa na pasim tingting bilong Royals.

Wabag skul soka kamap bikpela

MASKI ren o bikpela san ol skul pikinini i no wari taim ol i bin kamap long Wabag Abal Skul Soka resis long Wabag long las tupela wik.

Fail pilai bilong ol meri i lukim Wabag Praimeri 2 i autim tiket bilong Irelya 1-nil na bilong ol man i lukim Wabag 1 i nekim Wabag 2 1-nil.

Ol wina i kisim ol tropi na ranap i kisim ranap tropi.

Intagavman rilesen ministra na Wabag MP Sam Abal i bin sponsaim dispela tonamen wantaim K45,000 we las yia em i bin givim K20,000 long ronim.

11-pela skul i bin kamap na brukim bun long dispela resis na i gat bilip olsem long narapela yia pilai bai kamap bikpela moa.

Dispela pilai i mekim na ol papamama i no bin sindaun gut long taim ol i resis long lukim ol pikinini bilong ol i pilai.

Redio man Ankol ET i bin tok-tok long dispela resis long taim gren fainol pilai i kamap.

**LAE
BISCUIT CO.**



WANTOK


SPOTS

**LAE
BISCUIT CO.**



- BAI LAIK PINIS LONG PILAI RAGBI
- TINGTING BILONG PETERS, KUMULS KEPTEN.
- SP KAP GREN FAINOL POTO

Lukim stori na poto pes 26



- NRL GREN FAINOL PRIVIU
- BRONCOS LAIK STOPIM STORM

Lukim stori pes 25




- KUMULS LAIK SURUKIM MAK
- BUTIBAM LAE BASKETBOL KING

Lukim stori pes 27

Pilai wantaim

Peters Kumuls kepten



KEPTEN: Keith Peters

Paul Zuvani i raitim



PAPUA Niugini Kumuls kosa Adrian Lam i tok difens i bikpela samting long ol sapos ol Kumuls i mas stopim Australia long dispela Sarere.

Na long dispela wik em i givim planti taim long ol i lain long difen.

Tasol em i amamas long mak em ol Kumuls pilaia i mekim long lainim ol teknik bilong pilai gut hariap.

"Mi kirap nogut long lukim ol pilaia i wok long lainim hariap wei bilong pilai," Lam i tok. "Dispela em i yangpela sait."

"Em i tru mipela i abrusim tripela ol gutpela pilaia husat i gat ekspiriens tasol mi bilip mi gat gutpela sait," em i tok taim em i no amamas long pasin em Chris Purkikil, Josphe Omai na Charlie Wabo i mekim taim ol i no kamap long taim bilong go insait long Kumuls kem stat long dispela wik Mande. Dispela tripela pilaia em tim i rausim nem bilong long Tunde yet maski sapos ol i laik join long Tunde o dispela wik long hevi ol i no harim tok.

I go moa long pes 26 ...

DIFEN OLSEM: PNG Kumuls kosa Adrian Lam (rait han) i mekim trening wantaim ol Kumuls pilaia long Sir Hubert Murray Stedum long dispela wik. Lam yet i 2000 Kumuls kepten we em i bin pilai long 2000 Wol Kap pilai long Ingran we PNG i mekim gut inap ol i go long kwata fainol. Em i askim tim long difen gut egensim Australia long dispela Sarere.



Brian Bell Kampani igat ol kain kain masin blong wok didiman long Papua Niugini. Mipela igat fetilaisa marasin tu na ol seeds blong ol kaikai na kumu long gaden olsem kebis, letis, anian, brocoli, tomato na planti arapela moa.

Brian Bell Kampani luksave olsem wok didiman em bun blong ol bikpela lain pipol long asples PNG. Mipela helpim na strongim dispela wok didiman longpela taim tru ikam inap nau tu.

Mipla sapatim wok didiman long Papua Niugini long gro bikpela



PLAZA 325 5411 HOMECENTRE CITY-GORDONS 325 8469 HOMECENTRE CITY-LAE 472 3200 TOPTOWN 479 1918
GOROKA 732 1622 KOKOPO 982 9027 MT HAGEN 542 1999 MADANG 852 1899 Email: bbsales@brianbell.com.pg

Brian Bell
Shop with a friend

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.